


殊批諭旨

查郎阿 勵宗萬奏摺



硃批查郎阿奏摺

雍正七年六月初四日吏部尚書署陝西總督臣

查郎阿西安巡撫臣武格謹

奏為奏

聞事竊查陝省西安等屬四五兩月得雨日期分寸前

經督臣岳鍾琪撫臣武格繕摺具

奏今豆麥俱已登場秋田及時播種需雨正殷之時

仰荷

皇上洪仁博濟上應

天心於六月初一日巳時起至初二日卯時止又於初二

硃批諭旨

查郎阿

日申時起至初三日辰時止西安府地方甘霖連
霈入土至一尺有餘現在濃雲四布雨意尚存而
臣等細看雨勢得雨地方亦廣詢諸農民僉云秋
禾正在發生得此時雨自必益加暢茂況入土既
深地脉滋潤霑足將來秋成大有可以預卜此誠
聖主仁心感格是以慶叶豐盈臣等謹將陝屬西安得
雨日期分寸情形繕摺奏

聞伏祈

皇上睿鑒謹

奏

雨水情形欣悅覽之然必待秋成後方敢釋此懷抱也

雍正七年六月二十九日吏部尚書署陝西總督

臣查郎阿謹

奏爲玩忽之習未除請

旨嚴飭以靖地方以安民生事竊臣恭荷

聖恩畀署川陝總督印務雖才識庸愚見聞未諳而於

地方事務惟有加意慎重以期上報

洪仁今臣任事甫及一月凡各屬呈報事件臣留心檢

核如四川一省內人命姦盜等案具報纍纍其或

捏冒職官或稱奉差員役以及越禮非分之案不

止一端推原其故惟因五方雜處其中姦良混聚致有不法之徒勾引藐法然若使保甲之稽查既嚴營汛之巡察不懈雖有姦民豈能縱逞此皆由文武各官漫無覺察鄉保汛兵悠忽偷安所致臣當卽嚴飭該管文武各官將保甲汛防事宜加意整飭復刊刻告示遍發陝甘川三屬通行曉諭查禁外但川陝相距旣遙甘屬地方亦廣文武屬員內奉職惟謹者固不乏人怠惰自曠者亦所必有臣雖密訪查叅誠恐玩忽成習仰懇

聖恩特降

諭旨嚴飭各撫提諸臣務將保甲汛守之法實力經理通飭所屬各員不時稽查如再有姦徒潛住境內肆行不法將該管各官分別叅究鄉保汛兵嚴加查懲處庶伊等咸知凜畏而於地方民生均有裨益矣理合繕摺請

旨伏祈
皇上睿鑒謹

奏

汝膺統轄之責保甲汛防各事宜且就汝意嚴飭該屬并移咨撫提諸臣互相查禁倘仍奉行不力據實奏聞

再降諭旨

同日又

奏爲奏明咨商情節仰請

聖鑒事竊查四川建昌涼山土司安承裔梗頑不法前經撫臣憲德題叅究審嗣將安承裔審明抗玩情實擬以併將家屬遷徙江西地方安插部覆奉

旨允准欽遵在案今准撫臣憲德咨稱安承裔之父生子五人四子俱已早歿無子安承裔排行第五襲受土職將其所生二子均繼與伊長嫂沈氏次嫂大米氏爲子無庸遣發其所遺土司事務議照河

西土婦嶺氏令伊子安祥茂管事之例卽以安承裔之長嫂沈氏次嫂大米氏分管土務等情咨商前來臣查涼山土族番民改土歸流事宜經督臣

岳鍾琪議以附近州縣衛所者歸地方官管轄近營汛者令營汛管轄止於土民番人內擇其誠謹之人照內地之例充任鄉約保長稽查保甲經催糧賦之類竝未將不法土司之家屬復令其管理土務也再查部覆督臣岳鍾琪條奏內開河西土婦嶺氏竝無親支應遷入內地酌量安插給與房地存養自應照議料理因何忽有安祥茂稱爲嶺

氏之子又復委管土務且備查舊卷竝無詳報之
案至安承裔於官兵進剿涼山之時抗不發夫故
違糧運今擬以遷往安插已屬寬典其所遺土民
亟應改土歸流就近分隸管轄方於原議相符況
沈氏大米氏繼嗣之子皆屬安承裔之遺孽更不
便仍令分理土務致啓滋蔓之漸至於涼山土族
番民既已改土歸流奉有

諭旨分設郡縣增設營汛現今授職有人募兵充伍一
切番土人民俱在版圖之內尚何漢土之攸分復
令土婦承領其事臣因撫臣憲德咨商情節均未

合宜隨即咨令另爲確查妥議俟至日再行具奏
奏外所有前項緣由理合繕摺

奏明伏祈

皇上睿鑒謹

奏
所見甚是涼山土司事務分管之議憲德殊屬錯謬之
極當密札斥責之

同日又

奏爲奏

聞事竊查雍正七年二月二十五六等日督臣岳鍾琪

硃批諭旨

五

查郎阿

節准署湖廣提臣岳超龍湖南撫臣王國棟密咨
移稱據辰沅靖道王柔盤獲匪棍許英賢等供稱
係張天師之叔張易珍令伊等四處捨藥誘惑哄
騙併將同伴姓名以及行走省分串遊土司地方
逐一供明其原供內稱張子明現在四川敘州府
劉惟和帶著兩箇徒弟亦在四川何子雲劉公俊
李天華前往陝西等語粘單移會密拏經督臣岳
鍾琪據咨密飭陝甘川三省地方官嚴查訪拏在
案今於六月二十七日臣准四川提臣黃廷桂咨
稱據威茂營叅將吳進寶報稱據所屬神溪汛兵

王建盤獲捨藥遊棍四人解訊當卽詰問據伊等

供稱一名江子文一名熊旌儒一名涂以寅一名

涂爲安俱係江西南康府建昌縣人因天師母病

差伊等往各處施藥等語隨將各犯所帶行李檢

查內有印牌一紙係天師銜姓此外止有藥料衣

服併些少銀錢不等當卽轉飭將江子文等四犯

解交地方官員訊審併將原獲印牌移交撫臣各

等因咨報前來臣隨將所獲四犯姓名與楚省原

咨查對雖不相合但查辰沅靖道王柔原獲之許

英賢等旣已供稱託名捨藥今川省盤獲之江子

文等又以施藥爲事且復執有印牌則前後供情如合一契而從前所供之遊走不法情節似非無因必須嚴訊確情庶姦徒不致漏網臣卽飛飭四川按察司詳細研審務得實情併令詳明撫臣憲德移咨江西撫臣嚴查有無給牌施藥情節咨覆定擬臣復密飭所屬不時稽查外所有川省盤獲匪棍情由理合繕摺奏

聞伏祈

睿鑒謹

奏

此事已據本省徹底審明悉屬子虛不須更加嚴訊但天師張慶麟因母患病而分遣無藉棍徒各省施藥是何道耶殊屬無知可笑之舉

雍正七年七月十五日吏部尚書署陝西總督臣

查郎阿謹

奏爲據實密奏恭請

聖鑒事竊查現任蒲城縣知縣朱閑聖才守可觀辦事勤敏緣同州知州任晟揀補鳳翔府知府送部引見所遺印務經督臣岳鍾琪檄委朱閑聖署理今任晟

旨准補鳳翔府知府回陝赴任其原管倉庫一切事務
例應交代當經任晟分案造冊移交而朱閑聖亦
卽接受盤查以便核報因查任晟交代冊內有歷
年捐貯火藥鉛子在州署儀門外另房三間加緊
封貯朱閑聖因事關交代雖火藥不便細盤而鉛
子自應秤驗因於六月十一日率領家人吏役將
鉛子盤出空地秤至四千餘斤時已晌午朱閑聖
回署喫飯令家人吏役在彼照看不意突見火起
奔救無及在場之家人吏役俱已燒斃起火緣由
莫可救詰其未經盤出鉛子三千斤封貯火藥二

萬餘斤房屋三間焚燬無存現據朱閑聖願甘賠
補併據布政司張廷棟等揭報前來臣查燒燬火
藥例有處分是以照例

題叅在案伏查朱閑聖才具優長尚堪任使仰思
聖主愛惜人才至殷且切前奉

諭旨凡屬員中有小過者尚令教誨悛改今朱閑聖事
何云事出意外過本無心此非從苛求所生之災耶
出意外過本無心可否寬免留任出自

皇上特恩非臣所敢擅請理合繕摺密

奏伏祈

睿鑒謹

硃批諭旨

八

查郎阿

奏

覽

雍正七年八月十二日吏部尚書署陝西總督臣

查郎阿謹

奏為恭謝

天恩事雍正七年閏七月初十日奉到

欽賜臣鮮荔枝一瓶當即望

闕叩頭謝

恩祇領訖竊念臣駑駘下質樗櫟庸材蒙我

皇上參養栽培至深且渥愧臣虛糜廩祿未效寸長今

又荷

聖恩遠注

頒賜鮮品銜感之下浹髓淪肌臣惟有勉勵犬馬之丹

忱上報

洪仁之高厚而已理合繕摺恭謝

天恩伏祈

皇上睿鑒謹

奏

言感言報皆屬末議地方休戚民生安危所關甚要將
己身利害置於度外百凡順情循理勇敢為之方不有

硃批諭旨

九

查郎阿

負朕之倚任也勉之

同日又

奏爲奏

聞事雍正七年閏七月三十日准撫臣憲德咨准

欽差管理噶達廟工趙殿最等咨稱據孔薩頭人羅頂稟稱今有瞻對番人領兵將我地方搶了一半又將我們圍困望大人們將我信子上的話說與化林協等處發兵前來救我等語查我等竝無管轄地方責任且不能知其情形始末但旣據具稟前來除一面飛差明正土司保保前往勸止外理合

咨明等情轉咨到臣臣查瞻對番人甫經投順因何又復逞兇劫掠孔薩其是否係瞻對番族何故起釁緣由臣飛飭駐劄裏塘重慶鎮臣任國榮署化林協副將許連科就近確查勸諭解釋併將爲首不法之人查拏究處復咨會撫提二臣轉飭撫緝去後又准提臣黃廷桂咨同前由併聲明已移行鎮臣任國榮等確查安撫等情與臣所飭辦理情節俱屬相同今又據提臣咨據署化林協副將許連科呈據孔薩頭人羅頂稟稱有呷呷併呷呷的兒子又有賈呷七立賈各扎什平白羅桑結六

箇人從前說我羅頂不好要害他們都跟著喇嘛往藏裏去了後有
欽差周等進藏到甘咨的時節我曾稟過蒙
欽差到了藏裏就吩咐喇嘛將他們打發回來不想呷呷等投往瞻對領了他們的三十多人躲在甘咨寺裏引的兵來占了我的地方我的人少與他打不過仗求叫章谷竹窩蘇子三家的人來幫我纔好再喇嘛昂旺是我的兄弟他坐寺院只管得喇嘛別的事他如何管得那呷呷等六人不是好人他說的話求吩咐喇嘛不要聽他等語查羅頂所

稟情詞兩相互異除復行確查外合再咨明等情
臣查孔薩頭人羅頂稟報情事雖兩不相符而察其原委皆由本族番人積有夙嫌勾引瞻對不法之人以圖報復卽據羅頂所稱喇嘛昂旺係伊手足今繹其詞意不無彼此參商因而呷呷等藉此滋事臣思邊防以寧謐爲重不便聽其自相凌併轉生事端隨復移行提臣黃廷桂等查明化誨各安住牧外理合

奏明伏祈

皇上睿鑒謹

奏

邊防固以寧謐爲重然亦豈可養姦遺患要當查明原委示以勸懲毋致滋蔓難除也

同日又

奏爲據報奏

聞事竊臣於雍正七年二月內自西藏回至裏塘適遇管理軍糧之郫縣知縣羅國珠口稱昨因進剿瞻對官兵所需口糧運送接濟行至擦馬所地方被賊番劫奪傷及土兵今軍糧關係緊要若不派兵護運恐致遲誤臣隨選撥陝省健兵五百名將糧

石鉛藥押送高奮志軍營當經

奏明在案及臣署理督篆之後據郫縣知縣羅國珠報稱二月內被劫軍糧一案細加挨查據擦馬所頭人澤隆奔惹等回稱劫糧賊番係瞻對夾壩他們將劫的糧石烏拉沿途拋棄如今我們檢得炒麩七十四石烏拉牛五十一隻等情今又據駐劄裏塘重慶鎮臣任國榮報稱據裏塘土官昂邦稟稱擦馬所原係瞻對番族改歸裏塘管轄素性本非馴良今土官傳喚頭人查詢乃伊等抗不出見又將原收炒麩牛隻私自食用止交出炒麩五十

五石牛三十六隻及差人詰詢竟至出言無狀且訪知劫糧賊番卽係擦馬所番人等語隨令遊擊常力行卽於燭燈納駐防地方就近差員調喚擦馬所頭人澤隆奔葱等查詢情節詎竟糾集番衆堆放木石負嶮抗拒若不整兵懾服恐致長姦貽患隨派撥守備康國泰等併裏塘營官昂邦共帶領漢土官兵二千餘名分路前進搜捕不法賊犯併頭人等審明究擬等情呈報到臣查賊番從前劫奪軍糧茲又糾衆抗拒梗頑悖化誠難姑容依汝如此見解遲誤機宜必不能免且使得以多結羽但事關軍務機宜未經

翼小事釀成大患俱未可定凡事不論應行與否但以

奏明請

未經奏明決斷是非則汝習襟狹隘擔當怯懦不能勝

旨卽行遣兵前進殊屬急遽今官兵旣已派撥前往似

任可矣朕甚憂之不便復行撤回臣因密飭鎮臣任國榮飛飭領兵

備弁先將官兵整嚴臨境宣示

聖主恩威明白開導令其將劫糧爲首賊番查明擒獻

其所少糧石牛隻照數賠補併令頭人等至營出

具不敢生事甘結斟酌綏輯料理不得惟恃兵威

妄加勦殺倘果冥頑不服亦當相機措置毋致輕

忽玩事除俟事竣之日另行具

奏外理合繕摺奏

聞伏祈

睿鑒謹

奏

覽

同日又

奏為欽奉

上諭事竊臣前因署同州知州事蒲城縣知縣朱閑聖

焚燬鉛藥一案繕摺具

奏欽奉

硃批諭旨臣跪讀之下仰見我

皇上以大公至正為懷

鑒照無私惟才識庸愚見不及此

可朕以三省重任付庸愚則朕之庸愚更甚於汝矣

為大臣者一言一行當加詳審豈可復作曩日旗員之

虧空况同州鉛藥既已建房封貯則更無虧缺可

知乃朱閑聖因接授交代竟於炎天酷暑之時啓

封盤驗以致焚燬鉛藥燒斃胥役是朱閑聖之急

聖諭皆由苛求所生之災今臣因朱閑聖之事由此類

推此推益加凜惕惟有恪遵

上諭務期事合公平不刻不苛以仰副

硃批諭旨

聖主訓迪之至意而已臣謹將原奉
硃批諭旨繕摺恭繳伏祈

睿鑒謹

奏

覽

雍正七年九月初七日吏部尚書署陝西總督

查郎阿謹

奏為勦撫事竣據咨奏

聞事竊臣前據駐劄裏塘重慶鎮臣任國榮報稱擦馬
所姦番收貯軍糧炒麪烏拉牛隻任意侵蝕而頭

人澤隆奔惹又復抗調不出其所屬逆番竟敢糾
眾抗拒隨派撥將備弁員帶領漢土官兵二千餘
名分路前進搜捕情由經臣繕摺奏

聞今准四川撫臣憲德咨稱八月初一日准鎮臣任國

榮咨據派領漢土官兵遊擊常力行呈稱職等於

七月二十七日起程分兵進勦於閏七月初一日

抵擦馬所上溝寨子賊番嘯聚碉房放鎗拒敵經

我兵奮勇爭先運柴焚燒連破碉房五處殺傷賊

人百十餘名陣亡兵丁二名帶傷官兵二十二員

名初二初三等日仍令各兵火攻又被我兵鎗礮

打死賊番一百數十人正在督兵前進有數十番人各牽牛馬俯伏道傍內一人口稱係頭人澤隆奔葱今見官兵殺死夾壩我們喜歡故來投誠情願賠還他們搶的糧石烏拉我們照舊當差獻納戶口不敢做夾壩等語詰其從前爲何抗調不出據供那夾壩們不好我若出來他們先要殺我故此不敢出來那日劫去糧石是下溝地方做夾壩的人就是禁在裏塘那兩箇爲首之郎結扎什索浪結壩再偷喫糧石是葱戎扎希陳披他兩家住在上溝今上溝碉房都被官兵燒燬逆番們已被

鎗礮打死等語據此卑職隨收兵劄營繕文具報間又據守備陳云蛟報稱閏七月初二日抵擦馬所下溝寨子賊番恃險拒敵我兵用火攻燒連破碉房數處殺死賊番無數陣亡兵丁二十二名帶傷十八名正在督兵前進於初四日辰刻有番人男婦七十餘名口跪哭道左稱係良民情願認賠糧石烏拉服裏塘管轄永不敢做夾壩等語相應收兵劄營具文請示等情呈報到職理合一併呈明等情到鎮查劫糧爲首夾壩郎結扎什索浪結壩現獲裏塘業經取供梟示正法今澤隆奔葱等

既稱竝未行劫願賠糧石牛隻哀訴投誠似應允其歸順住牧當差其澤隆奔葱所賠糧四百六十四石三斗如數交明糧務官還項烏拉三百三十七隻發還原雇主收領所有勦撫事竣撤兵回至裏塘緣由併漢番戶口甘結各一套等因移咨前來相應轉咨等因到臣查鎮臣任國榮一切辦理頗合機宜除移行撫提二臣暨鎮臣任國榮就近綏輯妥協併令將陣亡帶傷漢土官兵姓名查明造冊送部外所有勦撫擦馬所事竣緣由理合繕摺奏

聞伏祈

皇上睿鑒敕部施行謹

奏

此奏交部錄存矣其應加賞恤之漢土官兵人等俟造冊到日照例賜給

同日又

奏爲遵

旨具奏事雍正七年八月二十八日西安副都統臣蘇穆爾吉向臣密宣奉到

硃批諭旨常色禮不妥協處朕已有訪聞轉諭查郎阿

硃批諭旨

令其知之將爾此奏併朕所降諭旨亦俱密以告之
昨六七兩月間西安一帶旱甚以致秋禾歉收伊爲
何不行奏聞欽此臣當卽跪聆欽遵正與副都統臣
蘇穆爾吉密商原奏情事又於九月初一日奉到
硃批將軍臣常色禮奏摺欽奉

諭旨查郎阿等看訖遵照批諭施行將摺交常色禮家
人持付常色禮看欽此臣遵將

硃批諭旨備細跪讀仰見我

皇上訓示周詳無微不至今臣欽遵

諭旨與蘇穆爾吉等逐條曉諭禁飭辦理妥協另行奏

聞以仰副

少涉善柔冀邀小人虛譽如常色禮之負恩無恥斷然
聖主教育之至意再臣伏查陝屬地方今歲夏月雨水

不可皇主情形自六月初二初九十七等日得雨之後正逢

暑伏炎烈旬日未雨漸有旱意卽七月十五日以

前雖間有微雨亦不透足至七月十六日大雨竟

時爾以後雨水連綿秋禾望雨尚屬及時惟西安府

附城四鄉三四十里之內從前缺雨較他處稍甚

至各州縣境內有得雨露足亦有得雨未透併秋

禾旱暵之處均有不等然臣曾差人遍訪竝未成

訪不災是以未經具奏必訪已成災始行奏聞據何則例

硃批諭旨

十六

查郎阿

具何意見而云然耶殊屬謬妄之至由此觀之汝將在

奏再臣前接大學士公馬爾賽等來字欽奉

諭旨將各屬收成分數據實奏報京目親朕之居心行政及屢次訓諭之旨已皆遺忘矣當即欽遵在案今

秋禾不日登場臣現在分路確查統俟收穫事竣

臣將各屬收成分數據實分晰繕摺恭呈

御覽所有副都統臣蘇穆爾吉向臣密宣

諭旨事宜臣謹遵

旨具奏伏祈

皇上睿鑒謹

奏

雍正七年九月十八日吏部尚書署陝西總督臣

查郎阿謹

奏為欽奉

上諭事竊臣前據駐劄裏塘重慶鎮臣任國榮呈報派

撥漢土官兵進剿擦馬所賊番一案經臣繕摺具

奏今奉

硃批諭旨依汝如此見解遲誤機宜必不能免且使得

以多結羽翼小事釀成大患俱未可定凡事不論應

行與否但以未經奏明決斷是非則汝胸襟狹隘擔

當怯懦不能勝任可知矣朕甚憂之欽此臣跪讀之

硃批諭旨

十九

查郎阿

下實切悚惶戰慄查擦馬所賊番將軍糧等項竟敢劫奪於前今復抗拒於後鎮臣任國榮派兵進剿誠如

聖諭乘其羽翼未成速爲翦滅不致遲誤機宜乃臣見識疎淺以爲未經

奏請不便遽行加兵則臣之不能擔當上厯

聖憂臣愆實無可追今蒙

聖主洪恩訓諭周至臣益悚切中心惟有推類擴充痛自改革凡遇應行事務卽斟酌辦理合宜下盡職分之所當爲上報

洪仁於萬一而已今擦馬所賊番仰仗天威遠播刻期報捷臣已於九月初七日具摺奏聞所有奉到

硃批奏摺理合恭繳伏祈

皇上睿鑒謹

奏

極力振作最爲要務大抵一切番衆無有不畏服岳鍾琪者今使知陝省又來一岳總督諸凡易爲彈壓耳若稍露將就省事怯懦求安形態被其窺破各處乘隙而起則汝將不勝其料理矣示以風厲何容刻緩思之勉

之

雍正七年十月初五日吏部尚書署陝西總督臣
查郎阿謹

奏爲遵

旨具奏事竊臣於雍正七年七月初五日准寧遠大將
軍臣岳鍾琪移送摺奏川省復設雙流等縣治一
案欽奉

硃批諭旨甚好交與查郎阿徐徐斟酌辦理奏聞欽此
臣當卽欽遵復行四川布政司等確查議報去後
嗣於雍正七年八月十三日據四川署布政司呂

耀曾等議詳前來臣正在遵

旨確核具

奏間隨於八月十七日准撫臣憲德移送會題案件

奏到臣內有復設雙流等一十四縣會題稿一件會

題簿一本又向臣致札云因入關在即一切會題

事件俱於八月初六日拜疏等語臣思地方事務

凡應會題者例應移商明確書題咨送至日方行

題報再查現今會題事件如係已經拜疏者卽於會

稿內註明日期若係未經拜疏而止移送書題者

稿內年月下不註小日今撫臣憲德移送復設雙

流等縣會稿內年月下竝未註寫小日其是否亦在

題報之內無從確知是以臣不便書題一面札詢撫臣一面將復設事宜密行諮訪今於九月二十八日又准撫臣憲德札稱復設雙流等縣一案已經拜疏等語臣查此案係督臣岳鍾琪所會題奏明奉

旨令臣斟酌辦理之事雖撫臣自行具題臣謹遵案冊旨確查如重慶府屬原裁歸併涪州之武隆縣歸併銅梁之安居縣夔州府屬原裁歸併梁山之大昌縣

皇上現今糧輕事簡俱能兼顧誠可無庸復設至復設

之雙流縣崇寧縣彭縣彰明縣羅江縣大足縣璧

縣山縣定遠縣新寧縣大寧縣安岳縣彭山縣青神

縣威遠縣此一十四縣應設知縣典史併裁汰驛

驛丞改撥訓導添設教職各事宜與署布政司呂耀

旨並會撫臣憲德原詳原題情節俱各相符惟查入學

名數撫臣疏內尚未議及臣思縣治雖請分設而

縣人文原有定額似應仍照原進額數分入兩學庶

幾交於學校不致冒濫至於出貢食廩補增併汛防弁

旨穴兵數目統俟部臣將復設事宜定議請

旨允准之日
敕交撫臣學臣提臣分別妥議

題請其建造城垣衙署倉庫學宮祠宇營房監獄併
官役俸工等項應令撫臣於奉

旨准咨至日將應需銀兩確估酌核

題請部撥以資辦理所有川省復設雙流等一十四
縣事宜併撫臣憲德徑行

題報情節臣謹繕摺具

奏伏祈

皇上敕部彙議施行謹

奏

復設縣治事
一節既未經議及汝等應行會疏補題至於入學名數

但當議查原案若經裁汰驟難照復如係歸併祇須將

原數撥回奚庸更爲定額不然與張楷分縣增額之舉

何異其詳慎爲之勿因欲法古時之譽而越例妄請會

同日又買

奏爲倉儲所關綦重謹陳末議恭請命出

聖鑒事竊查陝屬西延鳳漢四府乾華同耀邠商鄜葭

綏德興安等十州所屬倉貯各案糧石統計

三十餘萬石有奇雖經漸次易穀貯倉而出陳入
新亦當按年易換以免浥耗之慮今歲陝撫臣武
格莅任之後以倉糧恐致虧空止令出糶解價秋
收即可買穀還倉若仍照例出借則不肖官吏影
射侵蝕易於滋弊隨經武格檄飭在案臣因思倉
糧既有存七糶三存七借三之例今撫臣止議出
糶不令出借似與借糶兼行之本意不相符合是
以臣將陝屬地利民情以及應糶應借之處密行
察訪統計可以出糶地方止在十之二而出借之
處區居十之八因再四思維弊端固宜剔除民食亦

須酌計伏查各州縣徵解地丁支給工食有責令
同城教職武員監拆監散之例今陝屬倉糧之出
糶出借臣請嗣後亦倣此例令同城教職武員監
糶監借則事異理同諸弊可以覺察而於

國計民生均有裨益但臣知識短淺是否有當理合
繕摺具

奏倘蒙

聖主鑒允或臣另行具

題或卽將臣摺

敕部定議之處恭請

硃批諭旨

三

查郎阿

訓旨遵行爲此謹

奏

所奏是照此具題候朕酌奪武格執拗悻復於斯益可
槩見從前屢經訓誨陛辭時又復諄諄面諭凡事再四
講求必深知灼見而後決定行止方可久遠遵循無礙
不謂粗率自用仍復如故舉動若是而欲俾屬員心悅
誠服豈可得乎將朕此諭令其詳閱明白回奏

雍正七年十一月初四日吏部尚書署陝西總督

臣查郎阿西安巡撫臣武格謹

奏爲恭報秋禾收成分數仰祈

聖鑒事竊照陝屬今歲秋禾俱已登場行據西安布政

使張廷棟將各屬收成分數彙報前來臣等查西

安延安鳳翔漢中四府直隸乾華同耀邠商鄜葭

綏德興安等十州所屬各州縣秋禾收成自十分

九分八分以至七分六分五分不等米糧時價西

安省城粳米每斗價銀一錢三分五釐零粟米每

斗六分六釐零小麥每斗五分六釐莞豆每斗四

分五釐零大麥每斗三分一釐零黃豆每斗七分

其餘各屬之糧價亦多相彷彿所有陝省四府十州

所屬州縣秋禾收成細數臣等遵

硃批諭旨

臣

查郎阿

旨謹詳晰臚列另單恭呈

御覽伏祈

皇上睿鑒爲此謹

奏

數年來陝省從未至如此薄收汝二人當極加修省檢點政刑西北地方冬雪最與來歲禾麥有關更宜竭誠祈禱以慰民望然不能確秉公忠之念感格

神明徒以利害私心從事亦難期徵應也

吏部尚書署陝西總督臣查郎阿謹

奏爲奏

聞事竊臣於前奏欽奉

上諭事摺內荷蒙

皇上硃批極力振作最爲要務大抵一切番衆無有不畏服岳鍾琪者今使知陝省又來一岳總督諸凡易爲彈壓耳若稍露將就省事怯懦求安形態被其窺破各處乘隙而起則汝將不勝其料理矣示以風厲何容刻緩思之勉之欽此臣跪讀之下仰見

聖主訓諭誨勉至殷至切伏念川陝重地督臣岳鍾琪

仰遵

聖謨指示動合機宜是以諸番畏服臣蒙

硃批諭旨

矣

查郎阿

聖恩畀署督篆地方大小事宜雖各有成規可以率循
第節制三省巖疆責任何等重大而邊圉關係尤
望十資彈壓今勦撫擦馬所賊番事竣情由臣前已另
奏報而諸番部落衆多必使威行邊境遠近番情各
知警惕莫不誠心輸服則封疆寧謐諸事易於辦
與理何敢稍存將就之見以滋事端臣欽承
訓旨益切凜遵惟有推廣
聖主德威加意奮勉振作有爲以仰答
洪恩於萬一而已所有原奉

硃批奏摺理合恭繳伏祈

皇上睿鑒謹

奏

亦何須特意振作但不令所屬以汝爲怯懦畏事苟且
將就之人則不期其爲而有爲矣

同日又

奏爲奏

聞事竊查西大通鎮屬測爾兔地方應設遊擊一營馬
步兵八百名前經督岳岳鍾琪

題明俟測爾兔城垣衙署營房工竣之日將原派裁

硃批諭旨

三

查郎阿

撥涼州西寧等處各標協營路馬步兵丁搬移駐劄其應設遊擊等官揀選

題補等因在案今測爾兔城工建築已竣臣准署大通鎮印務提臣馮允中甘提臣宋可進各將移駐兵丁事理咨商前來臣查測爾兔地方乃口外新設之區既無附近村莊又未屯墾種植況時值隆冬卽有負販亦不能於此時赴彼貿易且其地相去西寧頗遠一切食物往來購買亦不甚便再領兵之遊擊等官臣現在揀選

題請似不便先令兵丁移駐臣因照署鎮臣馮允中

之議先於鎮標酌派弁兵攜帶口食前往測爾兔看守衙署營房俟明歲三月內天氣融和將原派馬步兵八百名照大通鎮標白塔川營兵丁移駐之例按大小口數程途遠近給與車價口糧銀兩同家口搬移居駐仍照督臣岳鍾琪原議令移駐兵丁子弟屯墾試種再加天氣和暖商賈往來利便且官兵旣已屯駐其一切貿易之人亦必相率漸聚日用有資於兵丁誠有裨益臣一面咨會提

臣宋可進卽照署鎮臣馮允中所議辦理併將應設遊擊守備千把等員揀選分別

殊批諭旨

奏

查郎阿

題咨請補外理合繕摺奏

聞伏祈

皇上睿鑒謹

奏

應如是辦理者值茲內外一家邊隅寧謐之時原不必急遽從事也

同日又

奏為奏

聞事竊查陝屬州縣標營分餽軍需正騾一萬一千五百頭係明春拽運糧車出口之需最關緊要臣前

准寧遠大將軍臣岳鍾琪移咨令將分餽騾頭加意餵養臙壯於七八月間解交甘屬收餽隨即通飭所屬務須餵養臙壯臣復不時委員查驗期於臨時適用嗣於閏七月內軍需馬匹俱已解送起程卽照捧馬兵丁原站將騾頭分起解送除固原分餽騾三百頭係甘屬地方無庸再解外其陝屬分餽正騾一萬一千二百頭併隨解餘騾各案陝甘近便境壤分作南北兩路遴委文武官員詳慎挑驗小心解送其北路者解交平涼慶陽臨洮等府屬收餽南路者解交鞏昌府屬收餽各在案及

北路應解平涼等府騾頭事竣據驗解文武各員彙冊造報臣按冊查核統計北路解交平涼慶陽臨洮三府屬收餒正騾餘騾共五千四百一十四頭冊內註有微癘微病者一百九十五頭臣思驗解之時既有微癘微病騾頭自應卽行挑退令原餒官更換好騾驗解何得含混解送臣正在飭查間又據北路解騾各員繳驗批迴內平涼等府收騾之員已於批上註明癘病字樣臣卽嚴飭驗解文武委員同原餒官照數速買壯健好騾自備草料人夫解送平涼等屬更換至南路解交鞏昌府

屬收餒正騾餘騾共五千八百六十五頭據驗解之文武大員知府任晟等各冊造內開俱係足臚壯健好騾及解至鞏昌亦俱照數驗收各給有批迴在案嗣於驗收之後節據驗收騾頭之鞏昌府知府高夢龍報稱陝屬南路解到騾頭逐起驗收分餒內有臚瘦腿跛流鼻眼霧咳嗽瞎癩流淚吐沫烙疤疔疽肺病五攢等症之騾共五百八十六頭又漢中府病騾二十一頭詳令陝屬原餒官另買好騾補換等情臣隨嚴飭西安布政司張廷棟等飛調驗解各員竝解騾各官訊取確供詳加查

核以憑嚴行叅究著落補換去後今據鳳翔府知府任晟等向臣面稱西鳳二府騾頭俱係足臙健騾驗明解送現據解官劉方夏等掣有迴批竝未填註病癘字樣或因長途捧送有減臙跛蹶生症等事但鳳翔至鞏昌府屬之清水縣交騾地方止有五站何至有病廢騾頭如許之多如果有如許病廢騾頭卽應於迴批上逐一註明以便查明陝屬原餽各員名下勒令買補更換何以驗收之時竝不填註俟給發迴批收餽之後始以病廢詳報顯係捏飾等語復據解官劉方夏白文炳等報稱

所解騾頭俱係臙壯好騾交鞏昌府驗收現掣批迴炳據實無疲瘦病廢之騾至職等交收起身之後忽又報有病廢等騾不知是何緣故等語臣思驗解與解送各員旣稱實係壯健好騾且程途不遠時日又近何以驟得病證者竟多至五百餘頭旣有如許病騾何以當時遽出印結收管且於批迴上竝不填註明白或知府任晟及原解官劉方夏等係屬一面之詞而鞏昌府知府高夢龍所報情節亦難偏信軍需重務必須根究明確方可責令應行賠補之員更換臣隨卽飛移撫臣許容就

近確查一面密飭在蘭協辦軍需之西安驛傳道趙挺元前往鞏昌秉公察驗去後頃准甘撫臣許容咨稱解甘驛頭誠如來咨必須確查明白方見持平慎重今雖檄委分查但恐文員不諳又啓日後推諉之端且不特鞏昌一府應查卽平慶臨三府驛頭亦當遴員委驗令臣於陝甘二屬各派武職二員分路秉公查驗等因臣隨卽遴委副將遊擊等員分路查驗俱令其每至一處將所餒驛頭確加驗看如有病廢不堪者卽查明陝屬原餒地方官弁所造冊內之毛片口齒號數立卽飛報以

憑嚴飭原餒官弁星速購買壯健好驛自行解送補換再延安府屬州縣標營分餒驛頭內尚有未解驛九十七頭據委驗之延安府知府徐洹瀛署宜君營叅將劉可德驗報冊內註有六分臆五分臆兼有三四分臆者臣思此項驛頭分餒半載有餘因何止有三四分臆息明係經餒員弁或餒養玩忽或扣蝕草料均未可定臣卽飛飭速買健驛驗明補解仍令確查驛頭疲瘦最多之處將原餒之員指名揭報叅處庶於軍需責守可以整飭詳慎卽現今甘屬收餒驛頭各員亦咸知儆惕承辦

矣所有陝屬解甘收餒騾頭節據報有病廢現今
委員查驗飭令買換補解各緣由理合繕摺奏

聞伏祈

皇上睿鑒謹

奏

此項騾頭乃運送軍糧所需攸關甚鉅若但以錢糧爲
重下僚是諉加之叅處責令賠補彼固難辭而於汝遲
誤軍機身家性命干繫究莫能解也竭力辦理必期無
誤爲要至於應叅應賠之員何妨徐徐查議耶覽奏深
爲憂慮汝其詳加審度毋忽

雍正七年十一月十六日吏部尚書署陝西總督

臣查郎阿謹

奏爲奏

聞事竊查陝省解赴甘屬接餒軍需騾頭前據甘屬驗
收各員呈報內有疲病生證之騾共八百二頭經
臣將節次嚴查併檄委武員星赴甘屬分路查驗
著落賠補買換各緣由繕摺
奏明今於十一月十二日又據鞏昌府知府高夢龍
報稱陝省解來騾頭據解官劉方夏押解頭運第
一起騾三百餘頭到清水縣地方卽公同解官劉

殊批諭旨

三

查郎阿

方夏清水縣知縣張昌裕併牙行獸醫等眼同看驗如有病證騾頭卽報明口齒毛片註明係何病證登記號簿卽將收過若干驗明有病無病若干具文通報計南路解送之騾共十八起至九月十四日收完每起俱照第一起劉方夏驗收之法隨驗隨收隨報如驗騾之時若係好騾妄報有病解官何不立時質證而默無一言似此軍務重事安敢疎忽朦蔽所以逐細分晰註明將有病證騾頭一併驗發各州縣餵養者因念陝甘雖屬兩省而軍需則係一體或因長途解送偶得病證自今年

八月餵養起至來年二月底止尚可冀其調治痊愈以期無誤竝無捏報等情據此臣復飭令西安布政司張廷棟等嚴訊劉方夏等確供去後惟是軍需騾頭關係重大甘屬所報既有如許之多則從中疲病者亦必不少若俟查驗之後再行著落買補更換則往返需時轉瞬明春爲期甚迫勢不能餵養臆壯恐難以拽運所關非細不得不預爲籌畫因與撫臣武格酌議先動撥司庫銀一萬四千兩星速採買壯健好騾一千頭上緊餵養預備俟委驗各員呈報到日卽一面按所報之數逐起

解送補換一面查明應行賠補之員將所買騾頭價值併餽養草料銀兩俱在各員名下照數勒追歸還原款所有病騾仍令各員領回庶不致臨事周章似於軍需有益除就近檄飭辦理軍需之布政司張廷棟按察司碩色等卽照數發銀務須購買壯健好騾預備外事關動用錢糧臣謹會同撫臣武格繕摺奏

聞伏祈

皇上睿鑒謹

奏

迭覽所奏知汝等辦理必不能妥協已特遣部臣赴陝命其來往稽察矣

雍正七年十一月二十二日吏部尚書署陝西總

督臣查郎阿西安巡撫臣武格謹

奏爲恭報陝屬得雪日期分寸仰請

聖鑒事竊查陝省各府州所屬地方於八月內民間播種二麥之後自十月十五日以前雨水調勻土膏滋潤麥苗俱已秀發而延安府屬并各州屬於九月二十二二十四十月初五等日皆得雪三四寸今於十一月十五十八二十二一等日西安等

各府州屬連得瑞雪入土七八寸不等現在彤雲密布得雪尚不止此是誠

上天鑒錫以孚我

皇上重農愛民之至意也除以後得雪情由另行續爲奏報外所有陝省各府州屬得雪日期分寸臣等謹繕摺具

奏伏祈

睿鑒謹

奏

朕爲陝省農田雨雪夙夜屢念延安等府既於九月內

得霑膏澤乃復隱而不奏殊不解汝等具何肺腑也

雍正七年十一月二十六日吏部尚書署陝西總

督臣查郎阿西安巡撫臣武格謹

奏爲奏

聞事竊查陝屬各府州地方今冬得雪日期分寸臣等於十一月二十二日繕摺具

奏今卽於二十二暨二十四五連日雪霰交集入土至五六寸不等臣等訪詢農民據稱冬雪愈多愈好今得雪之時竝無風力飄捲雪皆凝積在地於麥根更屬有益等語所有陝屬續經得雪日期分

寸緣由合再繕摺奏

聞伏祈

皇上睿鑒謹

奏

覽接續得雪情形地氣諒已沾潤陝屬可無乾燥之虞矣但甘省未據報到尚在懸念

雍正七年十二月十一日吏部尚書署陝西總督

臣查郎阿西安巡撫臣武格謹

奏爲遵

旨議奏事竊查督臣岳鍾琪前准部咨欽奉

諭旨目今各省內或有尚未分給養廉之員著各省督撫悉心商酌一面辦理一面奏聞欽此當卽通飭欽遵隨經督臣岳鍾琪將甘屬河西各官養廉公費酌議具

奏而甘屬河東各官養廉公費亦經撫臣許容會議具

奏惟陝屬應給首領佐貳雜職等官養廉公費以及應增應減各數目初據西安布政司張廷棟查議具詳督臣岳鍾琪以所議未協逐一指駁行令妥議嗣據該司更議具詳適督臣岳鍾琪起程西進

隨將卷案帶往蘭州俟核明主稿會

奏及統兵擇吉出口之後因軍務殷繁復將核明原案移回令臣等核議辦理具

奏今臣等悉心詳核統計陝屬尚未分給養廉之首領佐雜等官共一百四十二員每年應給養廉公費共銀一萬零六百兩又直隸知州十員有統率屬縣盤查倉庫與府屬知州不同今於原給養廉六百兩之外每員每年增給養廉銀四百兩共應增銀四千兩再西安府管糧通判今改爲水利通判稽查涇陽等五縣之水利往來行走必須給以

公費應照寧夏水利同知之例每年給公費銀三百六十兩又按察司衙門爲刑名總滙原給吏書飯銀二百兩誠屬不敷今增給銀二百兩以上每年共應增給養廉公費飯食等銀共一萬五千一百六十兩再查原給布政司養廉銀一萬四千兩前據布政司張廷棟議稱每年領銀一萬兩儘可敷用應減去養廉銀四千兩又原給榆林神木漢興三道每年公費銀五百兩惟西安驛傳道議給公費銀一千兩今查驛傳道事務不繁應減去公費銀五百兩與各道公費俱屬畫一再原給西安

府每年公費銀二千兩較之各府五百兩之數逾額三倍前據西安府知府王紹文議稱西安雖係省城首府承辦公事自與外府不同但二千兩公費爲數太多應減去銀一千兩每年止給公費銀一千兩可以足用以上每年共應減銀五千五百兩臣等請將應給應增養廉公費飯食銀一萬五千一百六十兩併應減銀五千五百兩統於雍正庚戌年正月爲始照數給扣至佐雜等官旣已議給養廉公費凡從前一切陋規俱嚴飭禁革如有私收情弊臣等察出立即嚴叅究擬再查布政司

減去養廉銀四千兩係張廷棟從前詳議之案是以照議算入應減項下今張廷棟已經解任如新任布政司方觀到任後或有不敷再行

奏請合併聲明所有遵

旨議給陝省各屬未給養廉公費之首領佐雜等官銀兩併應增應減各數目謹備繕清摺恭呈

御覽是否合宜臣等未敢擅便伏祈

皇上訓示遵行謹

奏

覽佐貳雜職之議尚屬可行其直隸十州榆林等四道

及各府知府增減之數多寡懸殊似乎不均未悉汝等
具何意見云然至西安一府爲省會首郡據王紹文之
請遂爾從減能必將來接任之員咸皆如此節儉耶若
布政司養廉十萬則儘足敷用矣汝等當再加詳議奏
聞身爲地方大吏此等細事不能料理允當面必請朕
訓示思之寧不愧乎今所屬各員率多供辦軍需非平
時可比如俟議定始與養廉必至窘乏難支須一面酌
議一面給發可也

雍正七年十二月十五日吏部尚書署陝西總督

臣查郎阿西安巡撫臣武格謹

奏爲奏

聞事竊查陝省解甘軍需騾頭前據甘屬各員報有疲

病生證等情臣等隨遴委文武大員分路秉公查

驗復動撥司庫銀一萬四千兩飛飭辦理軍需之

西安司道碩色等分飭各屬星速購買壯健好騾

一千頭預備補解各緣由俱經繕摺

奏明今據西安驛傳道趙挺元報稱遵奉檄委卽前

赴鞏昌府并秦州所屬共十三處逐一細驗前次

所報病騾內其有病證難以拉車者合算共止有

六十四頭係該州縣平心開造毫無抑勒等情又

據查南路騾頭之遊擊張思永等會同各地方官
查驗聯銜鈐印冊報現在病癘騾頭數目與驛傳
道趙挺元所報之數相符惟冊開尚有堪以調治
騾十四頭臣思鞏昌府并秦州所屬原報病癘等
騾六百六頭何以查驗之數相去迥殊恐有以多
報少情弊適趙挺元事竣回陝臣等面詢一切據
稱此係

國家大事惟有秉公據實查報不敢稍有瞻徇如果
病癘之騾尚多職道豈肯少報代人受過惟秦州
禮縣二處有碎小騾數頭雖無病證似覺單弱等

語臣等又思碎小之騾與尚堪調治之騾俱應一
體補解更換隨將採買預備騾內挑選壯健好騾
一百三十頭委員管押於二月初五日起解鞏昌
府清水縣交收補換訖至臨洮府屬廳州縣六處
原報病騾據署副將席國芳等會同各廳州縣查
驗冊報實在病騾共八十二頭臣等卽照數挑選
壯健好騾於十二月十一日委員解赴蘭州交收
補換訖其慶陽府屬四處平涼府屬六處原報病
騾據副將于義等會同各廳州縣查驗冊報實在
疲病等騾共九十餘頭臣等卽挑選壯健好騾一

百頭於十二月十四日委員解赴涇州交收補換訖查從前因據報病騾過多是以飭行採買一千頭今已購買三百餘頭補換即可如數第解甘病癘倒斃以及調治堪用并碎小騾頭雖俱已更換尚須上緊料理臣等復嚴飭接餵各員及監餵之營將等加意督率餵養併不時密差查察務使膂力壯健可以負重致遠不致貽誤以仰副我

皇上重念軍務之至意所有採買解甘補換騾頭情節數目日期理合繕摺奏

聞伏祈

睿鑒謹

奏

因拽運軍糧騾頭關係匪輕已特降諭旨於查彌納等令其再為逐細查驗矣如瘦小不堪者多三百頭仍不敷更換迅即動帑另行購買以濟要需汝等當共相商酌遵旨辦理

吏部尚書署陝西總督臣查郎阿謹

奏為據咨奏

聞事雍正七年十二月十三日准四川撫臣憲德咨據重慶府屬墊江縣報稱十一月初七日據捕役張

殊批諭旨

四三

查郎阿

岐山稟稱訪得離縣二十里新場地方有忠州來的衆人帶有牌票招人之事未知真偽等語隨即委典史王天篤同駐汛外委唐文彥帶領兵役等密往緝拏卽於初八日清晨獲到人犯楊大銘董先朝黃四鞠永久左亮安徐應詔董世榮董愷董洪仁董汝近黃應舉黃自先田文交田子先黃義黃常黃琰鄭登位黃輝等一十九名馬二匹未裝舊烏鎗一桿又於楊大銘家搜出硃標紙一條上寫楊大銘名下招人一百字樣俱獲解到縣隨即隔別研訊據楊大銘供稱係江西吉安府廬陵縣

人剃頭生理雍正五年十月內到新場今年八月十一日有墊江人黃四趙汝海董良模董先朝叫到董家大灣山上說趙汝海出銀子叫同到渠縣去買棉花彼時不肯去九月初六日趙汝海叫左亮安來說叫同往忠州去買棉花初七日隨同左亮安董老二董于飛趙汝海至沙河沈四家住了次日同沈四等先至酆都縣白石丫王可久家趙汝海同鞠永久父子後到又有墊江縣人何大何二何四董先朝董老五黃四又湖廣人陳姓劉姓李姓陳裁縫又酆都縣人張尚志董伯恒張含英

董二張士林萬輝吉王永久王仲久等共四十多人別的不知姓名在大魚寺歇初九日王可久叫大家喫血酒發誓結拜了纔說出忠州楊愛嘴地方出了楊家將爲頭的叫楊成勳他家有金鑲玉印劉伯溫碑記他第七箇兄弟必要爲王送在酉陽司去了那碑記上的話我看了記不得也有鈔了去的這帖子是十月二十九日王可久同一姓陳的與的這兩匹馬是十一月初四日一箇姓劉的同張尚志騎來都在董先朝家住歇至初五日有董愷因從前到白石了去尋馬擾過王可久所

以治酒酬他邀我去陪到初七日夜被差役拏了前聽得王可久說招了一萬多人爲首的是楊成勳陳文彬杜炳凡王可久四人叫衆人各先與銀一兩造劄付定於十二月在王可久家過年散劄正月上成都叫不要備別的器械每人自備鐵標一根曾畫了樣子與衆人看過我不曾製造等語併將董先朝等各犯錄供詳報現獲人犯俱已監禁未獲人犯現在分路飛緝等情同日又准撫臣憲德咨稱據署忠州營守備蔣弘英稟稱十一月十三日准墊江縣移會遵卽密差目兵陳國彥等

十五名扮作商民前往楊愛嘴密躡去後至十六日據忠州差役趙瓊回稱奉差前往行至州役夏魁家說起楊成勳而夏魁云須先問保長陳三捷他若叫去纔可去及到陳三捷家伊已出去正欲轉身忽聽四山牛角聲响隨向一李姓家探問據云或者是吹角拏人不一時只見二人各執牛角行走李姓向前問詢據稱方纔拏了幾箇人網放在穀倉裡了所以星夜回稟等語因復差兵丁周國興等間往探信據兵丁岳進美等探稱將網的人都放了隨據前差目兵陳國彥等十五名回營

稟稱離楊家不遠忽聽四下牛角一响突出一二百人圍擁在楊成勳家去細綁拷問後面還有兵來拏我們否因言我們是來查禁散布謠言不是拏人的隨將我們網禁在穀倉內衣服盤費俱已搜去至半夜時忽見兩人來解放說楊成勳縊死了衆人都散了你們去罷隨將楊成勳兩箇哥子拏來等語當卽會訊楊成勳之兄楊成賢楊成舉據供是陳萬一說有墊江人來云墊江把扯旗的人拏了幾箇如今又行文到忠州酆都來拏人兄弟楊成勳陳萬一陳文彬等約了七八十箇人及

細拏兵丁時楊成勲不在家是陳萬六同楊成祿莫丁甲併幾箇湖廣人與近隣人等拏的至楊成勲回來我父親埋怨了一陣楊成勲就去屋後樹上縊死了衆人散了我家並沒有第七箇兄弟等語一併移咨前來臣查撫臣憲德兩次咨開墊江忠州酆都等屬姦徒楊成勲王可久等捏造妖謠煽結黨羽插血誓盟訂期散劄及見官兵探緝竟敢吹角嘯聚細拷兵丁叛迹顯著不知地方文武平日所司何事除飭取文武各職名至日另行照例

題察外臣隨即飛移撫提二臣速飭幹員選撥兵役將供出姓名未獲各犯併不知姓名姦徒分路訪查確實勒緝嚴拏不致兔脫漏網亦不得波累無辜至楊成勲乃首惡要犯一見事露勢必潛逃必無自縊之理再所供首逆楊七既稱在酉陽土司處自應嚴查勒獲其玉印碑記等物俱應搜追存貯臣俱飛飭署按察司劉應鼎護重慶鎮印務察將胡兆吉密速料理外理合繕摺奏

聞伏祈

皇上睿鑒謹

殊批諭旨

吳

查郎阿

皇奏

覽奏知道了汝謂楊成勳一見事露勢必潛逃此論是至云首逆楊七既稱在酉陽土司處自應嚴查勒獲等語朕則以為不然試觀楊大銘所供楊成勳家有玉印碑記他家第七箇兄弟必要為玉則是謀為不軌明矣該土司若素行恭順斷不敢招納叛逆卽或心懷不逞又豈肯容留無藉之徒而奉戴之乎倘聽信此等荒唐支飾之詞遂向該司勒獲楊七殊非情理之當汝其詳審虛實斟酌辦理庶期正犯就獲無辜可免波累勿令無知將弁孟浪舉動以致滋生事端將朕此諭密速鈔

寄憲德黃廷桂劉應鼎胡兆吉等一體遵奉

同日又

奏為欽奉

上諭事雍正七年十二月十二日接到撫臣武格恭錄

旨奉到

硃批諭旨此案查郎阿理應會審屢次推諉識見甚屬卑鄙將朕此諭令查郎阿知之欽此臣當卽欽遵訖伏查本年十一月十一日臣與副都統臣蘇穆爾

吉卓鼐張正文等在臣署議辦旗下事件有撫臣

旨武格來向臣言莫爾渾一案原奉旨斷因前據

硃批諭旨

臣

查郎阿

諭旨交與將軍常色禮會同查審昨常色禮因前赴涼州駐劄會將此案令巡撫會同何人審訊之處具奏奉

旨承審之處與常色禮無涉欽此今將軍常色禮差家人將奉

旨緣由傳知所以特來商量如一同會審可以不必具奏如不會審我卽當請

旨等語臣隨向撫臣言莫爾渾之案原係常色禮與你二人奉

旨會審之事我未奉

諭旨不敢擅專今常色禮既赴涼州應會同何人審理奏之處你該請

旨爲是隨經撫臣武格繕摺具

奏今奉 上諭 十一月十八日吏部尚書署刻西縣督

硃批諭旨臣前已准大學士馬爾賽等密信內奉有

訓旨臣當恪遵秉公會審據實具

奏外所有撫臣武格敬錄奉到

諭旨臣謹欽遵

奏明伏祈

皇上睿鑒謹

硃批諭旨

哭

查郎阿

皇奏

一味偏於拘謹其奈汝何總緣爲己得失利害之念重
爲國竭力致身之念輕遂至事事物物無往而非進退
維谷之境矣能於本體講求得法其用自然充裕若不
論經權但欲卸責於人殊不知終歸爲己身之累也戒
之誌之

雍正七年十二月十八日吏部尚書署陝西總督

臣查郎阿西安巡撫臣武格謹

奏爲欽奉

上諭事竊照雍正七年陝省西安等府州各屬秋成分

數經臣等繕摺

奏報欽奉

硃批諭旨臣等跪讀之下仰見我

皇上敬

天勤民至誠至篤又蒙

聖恩啓廸臣等共矢公忠屏除私念以敦感召之本以
和世裕衣食之源臣等心非木石敢不痛自修省誠心
聖對致禱以期雨暘時若五穀豐登伏思本年收成較
賸備之往年原覺歉薄臣等各有封疆之責能無悚切
望主中心今仰賴

硃批諭旨

完

查郎阿

聖主福庇西地冬雪既已霑足臣等惟有恪遵

訓諭誠求感應用以下盡臣悃止慰譴之責猶無刺世

聖懷而已所有原奉

硃批諭旨理合繕摺恭繳伏祈

皇上睿鑒謹

奏

誠求感應豈易言哉若不能直抒一派公忠祇以利害榮辱私心將之任竭悃忱求能感召也必也文武各盡其職兵民各得其所事事非非有條政令秩然不紊閭里恬熙太和翔洽此真祈禱良術試行看

奏同日又

奏為欽奉

上諭事竊臣等前據西安各府州屬申報得雪日期分

聖文寸經臣等繕摺

奏報奉到

硃批朕為陝省農田雨雪夙夜屢念延安等府既於九

月內得霑膏澤乃復隱而不奏殊不解汝等具何肺

腑也欽此臣等跪讀之下惶悚無地伏思我雲甚早

皇上宵旰勤求時刻以民生為念而西地冬雪尤關緊

聖心要是以

硃批諭旨

聖心眷注更殷今延安府屬九月內既經得雪理應隨時具

奏乃臣等以為延安逼近邊塞氣候寒冷得雪甚早

又因西安各屬尚未得雪以致

奏報稍遲此皆似此虛詐之談朕深惡之嚴疆

重任豈肯濫界愚昧之人乎汝等不學無術輩但宜本

訓旨祇有事事敬體諸誠實何以文為聖衷以盡臣心之駑鈍而已臣等謹將原奉

硃批諭旨繕摺恭繳伏祈

皇上睿鑒謹

奏

覽

臣查西陽冉士臣谷糾冉天德盤龍西陽素不

吏部尚書署陝西總督臣查郎阿謹

奏為奏查遊擊保番貪婪為心目無法紀前於署黔彭營

聞事竊臣准四川提臣黃廷桂咨稱查得重慶鎮標左

營遊擊任內與所轄西陽司私書往來蹤跡詭秘始

而利其財物假以交好為名繼因會審李文海具

控冉士司之子冉廣烜姦佔董昌規之妻為妾一

案挾勢勒索或指求銀兩任飽谿壑或收受騾馬

徵及婢女且恣取鎗犬縱情遊獵罔恤兵艱種種

不法實難枚舉似此罔利營私行同鬼蜮蕩檢踰
閑莫此爲甚茲准護重慶鎮印務叅將胡兆吉揭
叅前來與本提督訪聞無異斷難一刻姑容相應
移咨恭候主稿會叅請旨革職嚴審究擬以警官邪除行文重慶鎮照例羈候
外至冉土司的係何名查該護鎮文內並未聲明
俟行查至日另咨等因復據護鎮胡兆吉揭報到
臣因查西陽冉土司名係冉元齡盤踞西陽素不
日姑容而冉土司夤緣行賄亦應一併叅革究擬

安分且查川省墊江忠州酆都等屬姦徒楊成勳
王可久等結黨散劄一案據供楊成勳家有金鑲
玉印劉伯溫碑記他第七箇兄弟楊七必要爲王
送在西陽司去了等語經臣繕摺

奏明則冉元齡窩藏首逆之罪更不止於行求納賄
實難疎縱養姦應卽嚴行叅究今提臣黃廷桂以
冉土司的係何名俟查明另咨等語臣雖檢查冉
冉土司之的名乃係冉元齡而提臣咨內未據聲明
不便含混具

題除飛移提臣黃廷桂查取冉土司的名至日會疏

題參請

旨將保璠冉土司一并革職究擬外臣謹先行繕摺奏聞伏祈
皇上睿鑒謹

奏

此事候朕另有諭旨又係不當嚴而嚴之舉也不審事
之來歷情之重輕率意辦理胡能免顛倒錯亂之失非
過則不及奈何奈何

雍正八年正月初四日吏部尚書署陝西總督臣
查郎阿謹

奏爲奏

聞事雍正七年十一月二十六日據辦理噶斯軍需甘

肅布政司葛森等呈稱會查得京城官兵至肅州
出口應給馬八百八十六匹又馱運放卡安臺需
用帳房鑼鍋馬十七匹共馬九百三匹奉文行令
採買預備因本年大兵出口需用馬匹甚多俱在
西涼等處沿邊一帶採買無餘此時卽用重價亦
難得臆壯之馬若買蒙古馬匹目今天寒草枯正
在疲瘦之時餵養驟難長臆均屬緩不濟急惟有
購買臆壯驟頭易換明春押糧兵丁之馱載馬匹

在兵丁亦所樂從似此通融辦理方可濟用應於
西安甘肅二省採買正騾九百三頭再買餘騾七
十頭以備添補之用統於部撥軍需十萬兩內動
用等情到臣查兵丁馱載馬匹今春正重三月
內分起押送糧車起程前赴巴爾庫爾卽於此項
馬匹內挑選精壯之馬爲大兵進剿之用關係重
大不便以騾易換相應仍令葛森等在沿邊一帶
作速儘數購買馬匹縱新買之馬尚無臙息然約
計京城官兵須於三月底到肅目今猶可隨買隨
餵以期長臙足用至出口駐防之時已屆四月口

良外青草發生牧養亦易倘買不足數卽於附近之
存營馬匹內摘撥以足九百三頭之額其摘撥空
非缺之馬仍照例每馬一匹給銀八兩令各營陸續
買補均無貽誤除一面咨明

欽差總理稽查軍需兵部尚書臣查弼納等查照并飛
飭葛森等星速加謹辦理外理合繕摺奏

聞伏祈
皇上睿鑒謹

奏查源回籍

所議甚屬可嘉於此奏未到之先已有旨矣

硃批諭旨

臣

查郎阿

雍正八年二月初五日吏部尚書署陝西總督臣

查郎阿謹

奏為欽奉

上諭事竊臣前因承審莫爾渾一案經臣繕摺回奏今奉到

硃批一味偏於拘謹其奈汝何總緣為已得失利害之念重為國竭力致身之念輕遂至事事物物無往而非進退維谷之境矣能於本體講求得法其用自然充裕若不論經權但欲卸責於人殊不知終歸為己身之累也戒之誌之欽此臣跪讀之下悚惶無地伏

念臣之一生本屬拘謹之人又因責任重大雖勉

竭駑駘常覺才識未周心力未逮誠如共勉勉

聖諭事事物物無往而非進退維谷之境今欽奉

訓旨至殷至切臣祇有恪遵

聖訓鏤心刻骨改過自新講求本體竭力致身以期

盡職之靖共以答

君恩之高厚而已所有原奉

硃批奏摺理合恭繳伏祈八日吏部尚書署刻西懸

皇上睿鑒謹

奏

硃批諭旨

查郎阿

查郎阿

拘謹二字不過為一身得失利害起見正乃私心之根
蒂也當竭力剔除

雍正八年二月二十八日吏部尚書署陝西總督
查郎阿謹

奏為奏

聞事雍正八年二月十三日督臣岳鍾琪衙署據報失
火臣隨即飛騎前往查係二門內大堂之東四川
聖備書辦房內火起延燒房屋臣與撫臣武格率同標
下將備督令兵役協力救護登時撲滅共燒燬房
屋三間內中題稿文卷亦有被焚者臣前於川陝

房各撥書辦照例封鎖看守文卷以備檢查取閱
又因文卷關係緊要復不時嚴諭小心火燭加意
防範今川省文卷房失火則看守書辦法難寬貸
除將書辦寇金聲飭發按察司碩色嚴訊起火確
情并查明燒燬卷宗數日照例
題報外所有督臣岳鍾琪衙門書辦房失火情形臣
謹繕摺奏

聞伏祈
皇上睿鑒謹

奏

殊批諭旨

奏

查郎阿

此皆平時疎慢未嘗加意照顧之所致今已灰飛烟滅
縱查處一二胥役亦難掩汝面之恥也

雍正八年三月初七日吏部尚書署陝西總督臣
查郎阿謹

奏爲署鎮袒護徇私謹據實密陳仰祈
聖鑒事竊查寧夏鎮屬石空寺堡守備楊芳因阻撓軍
需羊隻一案經臣特疏參拏所遺員缺卽照會寧
夏鎮臣張善揀選合例人員呈請委署去後茲據
鎮臣張善呈稱遴選標下左營千總陸清堪以請
委等情臣查千總陸清係拆毀阿寶額駙房屋案

內經

欽差兵部侍郎臣通智

奏明奉

諭旨著張善嚴加查處欽此隨經鎮臣張善查明陸清
係總理查看牧駝之弁乃縱容所帶兵丁住居作
恩官踐相應責處記過以策後效所有拆毀房屋門窗
大恩仍著陸清等賠修完固以儆疎忽等情呈報在案
皇上則千總陸清方當責處記過之後若遽行委署守
備何以昭示勸懲且聞陸清卽係寧夏人家道殷
實乃鎮臣張善之親戚何以不顧公論任意徇私

顯有情弊除一面嚴行飭駁另移甘提臣宋可進
揀選合例人員署理外臣伏思鎮臣張善身受
皇上簡任封疆重寄理應感戴
天恩實心任事乃敢違例妄行徇私作弊深為負
恩宜乎不能整飭屬員於軍需事件安心玩視也臣見
聞既確未便以張善調任安西稍為徇隱謹繕摺
密

奏應否具疏

題參之處恭請

訓示遵行謹

奏

張善原不妥協器具狹小為人善柔緣大將軍岳鍾琪
越格保薦而委任者即今安西之調亦因奏稱勝任故
也伊隨岳鍾琪周旋甚久或另有深知灼見方如是推
獎俾朕目中殊未覩所長且試用看奏內情節知道了

雍正八年三月十三日吏部尚書署陝西總督臣

查郎阿西安巡撫臣武格謹

奏為奏

聞事竊臣等於三月初七日將陝屬兩次得雨日期分

奏

殊批諭旨

庚

查郎阿

奏報之後隨於初九初十十一等日連得時雨入土
一尺有餘土膏透潤麥豆秀穎詢之農民咸稱民
間多喜食麥二麥乃一歲日給之本今得此時雨
沾足夏收豐獲已定等語所有陝屬地方續次得
雨日期分寸雨澤沾足情由理合繕摺奏
聞伏祈

皇上睿鑒謹

奏

得雨日期分寸以手加額覽之畿輔地方自春徂夏風
霾時起大有旱徵朕憂心怒如西顧陝省尤深繫念今

爲此奏解釋大半矣

再者聞知州張勤寵貪飲廢事聲名不堪汝一人亦知
之否耶

吏部尚書署陝西總督臣查郎阿謹

聖奏爲欽奉

上諭事雍正八年二月二十七日奉到

硃筆諭旨一道并

敕發廣東督臣郝玉麟密摺一件臣跪讀

諭旨并詳閱摺內匪類造言煽惑情節仰見我

皇上睿算周詳防微杜漸仁育義正胞與爲懷之至意

硃批諭旨

堯

查郎阿

臣伏思人雖至愚孰不自愛身家自惜身命祇因
一二匪類捏造神奇怪異之說足以駭人聽聞遂
至受其煽惑墮其圈套日積月累迷而不悟以致
糾集黨羽夜郎自大迨一朝發覺而刑戮隨之并
其父母兄弟妻子宗族人等俱罹法網誠如

聖諭匪類之爲害甚於盜賊也凡有民社之責者均當
留心察訪思患預防況督撫大臣身膺封疆重寄
尤當先事預籌加意整飭至於川陝巖疆更非他
省可比地方遼濶幅員最廣內而民生商賈外而
邊隘番夷宵小易於藏姦愚頑最能滋事全在實

心查察竭力防範使匪類無容身之地善良有自
得之天方於地方有益臣於署理督篆任事之初
業經通飭各屬嚴行保甲慎重汛防禁緝妖謠查
拏地棍各在案今欽承

諭旨訓示至周至備臣益當恪遵

聖訓竭力勉爲隨會同撫臣互相稽察於文武大小員
弁晉謁時卽諭以嚴查匪類寧謐地方果能於所
屬境內不時留心嚴行巡緝自有鼓勵之道如敢
虛應故事經別案發覺或被別屬查拏定以疎縱
窩藏叅究臣又思預消弭患之法莫善於保甲而

保甲之法又在分定月日分定地方嚴立賞罰以專責成以昭懲勸現在詳議條目分別賞罰數目再爲通飭三省遍貼鄉村城市務使家喻戶曉法在必行倘不肖官吏仍敢陽奉陰違始則記過繼則參革以爲玩忽者戒如果查拏具報輕則記功重則保薦以爲勤慎者勸其巡役防汛以及保長甲長人等之賞罰亦如之臣愚以爲如此辦理則立法既嚴查察自密各甲各保無不照例奉行庶幾匪類斂跡不敢爲非將見比戶可風地方寧靜長享昇平之福矣所有奉到

硃筆諭旨理合繕摺

奏繳伏祈

皇上睿鑒謹

奏

據奏現在詳議條目分別賞罰通飭三省遍貼鄉村城市務使家喻戶曉法在必行等語若然則曷勝其紛擾耶保甲社倉二事固爲古今致治良法然必待有猷有爲有守熟悉地方情形之人且具有踴躍從事之心方可舉行非可以勢驅力迫而奏效者今司府不知感畏督撫百姓不知愛戴州縣胥役兵弁視文武大小各官

硃批諭旨

空

查郎阿

直同兒戲乃欲嚴繩以法而冀臻比戶可封之隆盛何不自忖量至於此極也如欲借嚴保甲以稽察匪類祇宜密諭屬員相機爲之不時留心體訪一有拏獲卽示以獎勸如斯而已況正在軍需之際事務浩繁無故又申一番功令是豈寧帖地方之道朕實爲汝等憂之隨波逐流毫無定見如何如何

同日又

奏爲請

旨事竊查陝甘所屬各標營派調領兵出征之副參遊守等員所遺汛務俱已委署有人惟安西鎮屬沙

秦州協原派出征副將張豹前因甘屬派留糧運官兵議於今春出口復經寧遠大將軍臣岳鍾琪酌留署涼州總兵印務與漢鎮臣曹勳同副將張豹至期管領前進今糧運現在出口副將張豹已遵檄前來統領其所遺副將印務前未議有委署之人臣查副將乃係大員責任綦重正在一面遴員委署咨會寧遠大將軍臣岳鍾琪間忽據安西鎮標中營遊擊衛維康報稱奉安西鎮委令署理沙州副將等語臣查委署之例自遊擊以上大員皆由提臣揀選咨會督臣委署從無鎮臣自行委署

之例且署安西鎮臣袁繼蔭既未將沙州副將印
務照例呈請揀委及自委遊擊衛維康署理之後
又無一字呈報況沙州係新闢重地必須幹練之
員綏輯兵民整理稽察方於汛守有益查遊擊衛
衛維康其好乃所記各上等之員汝因未見其人所以
未知其長也袁繼蔭所委尚屬不謬但未經呈報有違
定例為不合耳費上志亦係好員較之衛維康似覺少
意遴選查有靖逆營遊擊費上志熟悉邊情諳練
營伍辦事勤慎守亦可取以之署理沙州副將似
屬相宜當即檄委費上志前往沙州暫行接署外
臣謹繕摺具

奏所有沙州協印務或蒙

特簡人員署理或即令費上志署理之處恭請
訓旨遵行再遊擊費上志如蒙

聖恩准其署理沙州副將其靖逆營遊擊印務臣即照
照例行而命例遞行委署以專汛守為此繕摺請

旨伏祈

睿鑒謹

奏

覽

雍正八年四月十三日吏部尚書署陝西總督兼

署西安將軍臣查郎阿謹

硃批諭旨

查

查郎阿

奏為欽奉

上諭事竊臣前因滿洲八旗官兵按期操演及應行訓
飭應行甄別各事宜繕摺具

奏欽奉

諭旨愷切詳明至周至備臣跪讀之下仰荷

聖主教誨啓迪不啻

一面命耳提無微不至臣何人斯乃蒙我

皇上訓勉開導懇摯諄篤一至於此臣伏地飲泣幾不

能言惟有恪遵

聖訓加意奮勉時時仰體

臣恭請

聖心事事求其至當勤加訓練次第漸摩啓其為善之

心予以自新之路嚴立賞罰昭示勸懲務期人人

洗心滌慮爭自濯磨相率而歸於祇父恭兄忠

君親上之道以仰報

聖主豢養愛惜之仁如此則臣心方可少安臣職方為

無忝至於善柔適足以滋事姑息更易於長姦若

徒事寬容沽名釣譽尤為負

自難謂不取諸此朕則以為實有此行

不但謬解古人詞旨兼

恩溺職臣實不敢萌諸念慮況水弱火烈古有明徵當

且錯會朕意矣此一語朕經向在廷諸臣反覆辯析不

茲積玩之餘立法尤宜嚴毅果能秉公持正即小

啻數四汝於彼時諒亦與聞今皆遺忘乎竝未嘗諭汝

人含怨又何所顧忌臣惟準乎理之所當為勉其

硃批諭旨

查

查郎阿

等一味崇尚嚴刻但命秉公懲惡不避宵小之怨恨耳
力之所能為者以上報
豈有令善不善者悉皆抱憾而後以為稱任盡職之理
洪仁之高厚而已除一應事宜次第舉行八旗官員詳
觀所議論殊屬賢賢之極
加甄別另摺

奏請外所有原奉

諭旨理合繕摺恭繳伏祈

皇上睿鑒謹

奏

誨爾諄諄聽我藐藐云如之何

雍正八年四月二十八日吏部尚書署陝西總督

臣查郎阿謹

奏為奏

聞事竊照雍正八年分甘屬額徵錢糧欽奉
諭旨悉予蠲免

聖主浩蕩洪仁有加無已甘省子民莫不含哺鼓腹共

慶生成而地方牧民之官尤當敬體

聖天子惠愛元元之至意實力奉行加意撫綏方於邊

郡民生實有裨益無如所屬有司往往奉行不善

每多擾民之病茲於本年四月二十三日據渭源

縣詳稱歸并臨屯西票各寨屯民陸光宗等自雍

正五年分歸渭源管轄迄今四載所有雍正五年

六年七年未完折色銀三百餘兩未完本色糧一千二百餘石自開徵至今抗不赴縣輸將及至催頭差役下鄉催輸而陸光宗等刁頑不法相率五六十人混嚷口稱投歸狄道抗不遵拘等情詳報聖天前來臣思甘省錢糧係按年估撥兵餉關係支放何得拖欠纍纍任意頑抗誠難輕縱以長刁風第查甘撫臣許容因詳請不敷兵餉等事一案自雍正三年起至雍正六年止將本省本年額徵銀兩照數全撥兵餉而每年各有未完民欠經前任布政使鍾保等將應扣朋建銀兩借墊供支共那動

奏朋建銀一十三萬八千餘兩

皇題請將各年未完民欠銀兩勒限一年責令布政使孔毓璞照數催徵補項等因嗣經甘撫臣許容通飭各屬凡歷年舊欠錢糧趁此

皇恩蠲免新糧之際立限四月完半九月全完倘不能如數徵起定拏親信家人同經承赴轅究比等因臣伏思未完民欠關係兵餉自應催徵補項但欲以一年而清數年之舊欠全在賢能州縣勸諭設法寓撫字於催科使小民踴躍趨事輸將恐後方為持平辦理如遇不肖官吏唯恐嚴限緊迫或完

不如數則家人經承難免提拏究比遂徒事敲撲
任意催迫無怪乎渭源屯民有抗糧混壤之報臣
愚以為頑戶抗糧固應嚴加懲治有司之催徵無
術亦難寬宥姑容而撫臣許容提拏家人經承究
比之檄飭殊非立法之善者也臣因密札致撫臣
令其善為料理務使地方寧靜徵輸無誤外所有
渭源縣屯民陸光宗等抗糧情節臣謹繕摺奏

聞伏祈
皇上睿鑒謹

奏

許容於此一事局度狹小識見卑鄙曷可勝言候另有
諭旨頒發

同日又

奏為欽奉

上諭事竊臣前將四川各標營兵丁演習軍器事宜繕

題報今准兵部咨雍正八年三月十二日奉

旨查郎阿原奏內稱步兵弓箭鳥鎗手於鎗棒二項應

聽伊等自行學習至籐牌一項軍中固不可少亦不
必專兵學習有願習者仍聽演用等語夫籐牌既為

殊批諭旨

查

郎阿

軍中所不可少何又云不必專兵習學既不必專兵習學而又云有願習者聽其演用兵丁技藝全在訓練督率況於本分之外未有禁兵丁不許復習他技之條也倘願習者乏人則又徒托空言於軍務有何裨益查郎阿所奏前後自相矛盾甚屬支離背謬而部覆之駁令定議則暗令禁兵丁分外習他技之論也亦屬糊塗將原本發還著查郎阿另行具奏欽此計發紅本一箇粘單一紙等因移咨到臣臣跪讀諭旨仰見

聖鑒周詳而臣議奏之時未經備細分晰實屬背謬伏

查陝甘二屬議派兵丁操演事宜經督臣岳鍾琪酌定疏稿移臣具

題嗣准部覆照議分演在案其四川省屬兵丁應如

何操練用何軍器之處臣恭繹

上諭奉有因地所宜酌定規制之

諭旨而川省兵丁應演之器械是否與陝甘相同未便

槩定臣因移會撫提二臣并將陝甘議稿錄送以

便參酌定議節准撫臣憲德提臣黃廷桂等議稱

川省係苗疆重地應照沿邊省分定例每兵給予

名設立鳥鎗四百桿同弓箭礮位三項俱應專兵

熟演其長鎗棍棒亦照陝甘之議令馬兵兼習遇
有行走攜帶馬上以備兼用至刷刀一項向係專
派守兵演習因川省林深箐密刷刀可戳可斫轉
折捷便又可護衛礮位應仍令派兵專演惟籐牌
鎗日一項川省止有提標設立二百面應行加謹收貯
土鎗如步兵弓箭鳥鎗手有願兼習者仍聽其演使不
必按兵分派等因臣查憲德黃廷桂所議應設鳥
鎗鎗數目同弓箭礮位專兵演習并令馬兵兼習鎗
棒之處俱屬允協而刷刀又爲川省利用之器議
令派兵專習是卽因地所宜亦於營務有益惟籐

牌一項旣稱止有提標設立二百面不必按兵分
派聽願習兵丁自行演習臣因思川省地勢山嶺
險峻道路崎嶇密箐深林籐牌或難施展從前各
標營俱未設立者或亦職此之故至於步兵技藝
除弓箭鳥鎗之外其行走之際鎗棒等械難於攜
帶是以各照所議并將籐牌一項俱不派兵專演
而臣於

題報疏內未經詳細分晰聲明又以籐牌爲軍中固
不可少實皆臣之疎忽誠如

聖諭前後自相矛盾甚屬支離背謬也今臣欽遵

諭旨復加斟酌如前議馬兵弓箭鳥鎗手兼習鎗棒應
令於操演之時與專習之弓箭鳥鎗一體訓練各
臻純熟以資兼用再步兵弓箭鳥鎗手於行走之
際難以攜帶他物其鎗棒等械應請仍照原議令
其自行兼習至提標原設藤牌二百面應於提標
額設守兵六百八十三名內派兵二百名專習藤
牌務令操練精熟遇有行走自可備用除將原議
情節并現今遵

旨另行議奏緣由容臣於本內聲明具
題外臣謹繕摺恭

奏伏祈

皇上睿鑒謹

奏

類斯題覆事件何必又多一番煩瀆諒將曩日在廷目
擊朕之萬幾紛繁刻無寧晷情景舉皆忘之矣似此毫
無愛君之誠但顧一己之得失一身之利害豈查郎阿
從前心志果盡改易耶

雍正八年五月初四日吏部尚書署陝西總督臣

查郎阿西安巡撫臣武格謹

奏爲欽奉

硃批諭旨

查

查郎阿

上諭事雍正八年四月初二日奉到

硃批諭旨聞知州張勤寵貪飲廢事聲名不堪汝二人

亦知之否耶欽此臣等跪讀之下仰見

聖主明照四方無遠弗届伏查直隸興安州知州張勤

寵上年因公來省晉謁之際臣等以該員世受

國恩務須努力向上潔己愛民恪勤任事等語諄諄

勸勉而張勤寵亦稱自當勉勵報效誰料性耽麪

藥嬾於辦事雖興安一州地僻事簡無甚繁重之

案而日行事件並不留心辦理每多廢弛訪其作

為惟以唱戲飲酒為事所屬縣官等因公稟謁不

得即見必守候日久方得進見而於屬員所稟一

切地方事務亦不著意又聞於本年二月間生日

屬員赴州祝壽連日演戲飲酒不顧公事則其怠

事貪飲聲名狼籍實有忝於民牧臣等因興安離

言也州治距省甚遠不似京師相離咫尺易於訪察卿

等苦衷朕自諒之省頗遠猶恐所聞未確正擬會商訪查的實繕疏

糾叅適奉

諭旨始知已蒙

睿鑒除一面繕疏

題叅外所有原奉

硃批奏摺理合恭繳伏祈

皇上睿鑒謹

奏

卿等能如是精明察吏朕焉有不嘉悅者乎實代汝二人愧赧無地

同日又

奏爲奏報動用公用銀兩事竊查雍正六年分動用西安布政司庫貯公用銀兩前據西安解任布政司張廷棟造冊分送查核隨經寧遠大將軍臣岳鍾琪令將養廉公費地方公用并安藏軍需預備西路軍需案內動用銀兩各另分案查造核銷不

便牽混復據張廷棟查明案次分晰造冊呈送寧遠大將軍臣岳鍾琪查核又據新任布政司碩色造冊呈報臣等核銷前來臣等查雍正六年分舊管新收二項共公用銀三十一萬九千三百四十

奏三兩零內共動用過銀二十六萬三千三百五十

三兩零臣等隨將從前詳請原案照數查核均屬相符尚應實在餘剩存庫銀五萬五千九百九十兩零應徵雍正四五六等年民欠未完耗羨銀一千五百三十九兩零統於雍正七年動用公用銀

奏兩案內另行

硃批諭旨

查

查郎阿

奏報外所有雍正六年分地方公用并安藏軍需西路軍需各案內動用西安布政司庫貯公用銀兩并支收細數臣等謹分案繕造清摺恭呈

御覽伏祈

皇上睿鑒謹

奏

此不過一筆花賬朕何暇觀覽不在奏與不奏惟在秉公查核將來不致被人檢點爲要耳倘少有不符曾奏過三字豈遂足以卸責耶

雍正八年十月二十六日吏部尚書署陝西總督

天恩臣查郎阿西安巡撫臣武格謹

奏爲奏

聞事竊查陝屬地方秋時得雨二麥播種情由臣等前經具

奏在案今節據延安鳳翔等各府州屬報稱所屬地皇土方俱已得雪積地自六七寸以至一尺有餘不等奏准等正在繕摺恭

奏間而西安府屬并各州屬亦於十月二十一日咸望主得瑞雪積地有五六寸農情歡洽共頌

上天錫佑

硃批諭旨

查

查郎阿

聖主愛民之仁冬雪及時麥根滋潤豐登預兆稱慶同

奏聲所有陝屬得雪分寸情由理合繕摺恭一日

奏伏祈 聖鑒

皇上睿鑒謹

奏

陝屬得雪情形知道了不可少肆厥志敬之慎之

聞事吏部尚書署陝西總督臣查郎阿謹

奏為恭謝

天恩事雍正八年十月十七日准部咨欽奉

上諭尚書查弼納著馳驛即速來京另有交辦事務西

路軍需諸務著署督查郎阿前往肅州辦理仍兼理

川陝總督印務秦布著即回西安將軍之任護軍統

帥領哈爾吉著前往涼州代秦布統領兵丁仍著鄂善

協理欽此 臣隨即欽遵將軍需冊檔併 臣衙門應帶

卷宗俱各逐一檢查齊備於十月二十六日束裝

起程併將起程赴肅日期另疏

聖題報外伏查西路一切軍需荷蒙我

皇上睿謨廣運

訓示精詳凡糧運兵馬各項事宜莫不上承

硃批諭旨

查

查郎阿

宸算籌畫萬全今因尚書臣查弼納另有交辦之事馳
驛進京其軍需諸務需人辦理乃蒙

聖心眷注以臣猶堪驅策令臣前往辦理西路軍需諸
務仍兼理總督印務臣上荷

殊恩膺茲重任敢不竭此愚誠勉盡駑駘祇有事事恪
遵

訓旨加意慎重實力料理期於糧運毫無貽誤軍需辦
理妥協以上副我

皇上委任之

洪仁而已所有微臣感激愚衷理合繕摺恭謝

天恩伏祈

睿鑒謹

奏

勉之必使所屬各員心悅誠服畏威懷德諸務方克有
益蓋地不一處事復多岐獨運智力萬難遍及然非濟
之以公明亦何能收臂指之效也須竭力黽勉以求其
本

雍正九年二月初七日吏部尚書署陝西總督臣

查郎阿謹

奏為准咨密陳恭請

硃批諭旨

查

查郎阿

聖鑒事竊照巴爾庫爾軍營因逆夷猖獗節次派撥兵
丁前赴應援臣隨酌派預備軍需事宜五條繕摺
奏

聞辦理今於雍正九年正月初七日准甘撫臣許容來
咨據署鞏昌布政司趙挺元詳稱奉派製造火藥
鉛彈各十萬斤查火藥內所用物料如硝磺二項
蘭城素不出產今欲辦十萬斤之多一時難以猝
就懇卽咨移一併飭令西安藩司在於陝省現有
之火藥鉛斤內製造解送等情移咨令臣酌定辦
理伏思鉛藥乃軍營必需之物查寧遠大將軍臣

岳鍾琪議奏續增款冊內開准部咨欽奉

諭旨以行陣火藥最爲緊要應多爲製備隨經岳鍾琪

欽遵轉飭在於蘭州司庫軍需銀內動給銀兩令
各領兵鎮將在甘屬就近製造一體報銷在案况
陝省各州縣儲備之鉛藥所需硝磺鉛斤俱從別
省採買原非本地出產之物且自大兵出口裹帶
之外續用之處甚多各州縣原貯鉛藥已屬有限
自不便統於西安預備製造致滋偏重糜費趙挺
元現署藩篆奉文之日卽應詳委文武妥員請給
印文印票赴鄰省購料製造何得以硝磺二項蘭

城素不出產爲詞臣卽於咨復撫臣文內嚴飭趙挺元併令作速遴委幹員採買物料回日卽會同營員設局製造以重軍需如再推諉當卽會叅等因咨令撫臣許容速飭辦理在案迨寧遠大將軍臣岳鍾琪到肅向臣面言前過蘭州時巡撫許容因製造鉛藥一事將臣申飭趙挺元之文以爲有意駁他與彼不存體面大有抱怨之詞臣聽聞之下深爲駭異竊思督撫爲封疆大臣且現在辦理軍需更宜和衷協力方於軍務有益今以臣分省製辦之鉛藥趙挺元欲推諉西安製造冒昧具詳

而撫臣許容旣不就近駁飭又復據詳率咨及臣將趙挺元駁飭並未干涉撫臣一語乃撫臣許容輒以此猜嫌疑忌殊非慎事辦公之道現今軍務殷繁臣何敢以此瑣屑之事上瀆

聖聰第撫臣許容旣有抱怨之言臣不敢稍爲徇隱謹繕摺密

奏伏祈

皇上睿鑒謹

奏

克信己之公正何妨人之猜嫌此奏甚失大臣之度有

違和衷之道朕殊不取

雍正十年四月十一日吏部尚書署陝西總督臣

查郎阿謹

奏爲

聖德感孚甘霖時沛恭摺奏報事欽惟我

皇上敬

天勤民若保赤子頻頒

諭旨誥誡臣工務令先事圖維痼瘼乃身奉公殫職仰
見

聖主至誠惻怛諄切懇摯伏查陝甘二省民人素常食

麩全資二麥茲當春夏之交正麥苗萌生秀長之
候土膏尤宜滋潤今據陝省之西安延安鳳翔漢

中榆林等府屬併直隸邠乾等各州屬節次摺報

於三月初三初四初五初十十一十二二十以及

二十一二十七等日各下雨下雪分寸多寡不等

入土四五寸至一尺有餘四野霑足等情又據甘

肅省河東河西各府州屬節次報稱於三月初十日

廿六日廿七日二十日二十七日各得雨

雪入土深淺不等俱各普遍等情至於肅州地方

現今渠水暢流又於四月初六初七兩日細雨綿

綿入土深透其甘州所屬亦於初六日得雨雨勢甚廣詢之農民咸稱甘雨應時於麥田甚有裨益俱各勃然秀發等語此皆由

聖主感格

天心是以陝甘二省霖雨普霑軍民胥慶理合繕摺奏甘

聞伏祈

睿鑒謹

奏

全陝獲霑

天澤深慰朕念以手加額覽焉

雍正十年閏五月二十四日吏部尚書署陝西總

督臣查郎阿謹

奏為奏

聞事竊查陝甘為邊疆重地兩提八鎮士馬殷繁營伍奏事宜最為重大而額設馬匹尤關緊要正值軍興之際不時摘撥調遣更須加意餵養務使臆肥壯健則緩急足恃行走有資臣於陝甘各標協營時加嚴飭不憚三令五申但地方遼濶營汛繁多全在提鎮大臣實心宣力共矢忠誠慎重料理方得收其實效然求其妥協周備殊非易事即如駐甘

硃批諭旨

堯

查郎阿

之延興二鎮官兵調赴軍營所需馱載馬在於甘
提標摘撥二千匹查甘標存營之馬尚有三千餘
匹於此中摘撥二千匹似易為力及甘提臣宋可
進准咨之後以馬匹臆次俱減不能如數摘撥一
面
奏明於西寧鎮摘撥七百匹大通鎮摘撥三百匹甘
肅標僅摘一千匹乃到肅後臣親為查驗此一千馬
內尚有疲瘦者又挑去一百九十匹於駐肅滿兵
馬匹內照數撥給方得出口彼時理當參奏因思
甘提臣宋可進久任邊疆整理營伍老成歷練平

臣所以知而未參隨專札
汝當嚴行申飭朕亦密諭訓誡但宋可進何敢玩忽至
如此切致囑其勤加振作詳慎辦理在案查各營馬匹
冬季料草銀兩例於十月初關領其春季料草銀
兩例於正月初關領惟是秋間料豆登場草束眾
多之時物價自各平減至冬天則漸長至春天則
更昂兵丁領到冬季餉銀卽及時購買已不比秋
間若領到春季餉銀更難免重價覓買臣再四思
維莫若將冬春二季應支草料銀兩統於七八月
間令各標營全行領回趁物價平賤之時採買齊
備俟十月初一收槽則處處攢槽餵養合之原估

殊批諭旨

全

查郎阿

額設之本色料草儘足餉餒飽騰此項料草銀兩專交各提鎮遴選廉能之將弁及時採買經理督餒臣復不時委員查驗如有漫不經心不能起膳或致疲瘦者據實稟報叅拏嚴究倘提鎮稍有瞻徇亦一併嚴叅如此料理則兵丁餉餒有資既無苦累將備分任辦理各有責成實於馬匹軍務均有裨益除一面移行辦理外所有預支料草銀兩於價平時先期購買緣由臣謹繕摺奏奉
皇上睿鑒謹
聞伏祈

奏

覽

同日又

奏爲密陳臣悃仰祈

聖鑒事竊惟西塞用兵機務重大臣駐劄肅州疊奉

諭旨屢接

廷議仰思

聖主之宵旰憂勤籌畫機宜

訓諭誥誡者已無微不至

廷臣之宣猷協贊委曲詳議者亦無所不周微臣身

殊批諭旨

全

查郎阿

任封疆辦理軍務受

恩高厚未報涓埃而清夜自思上念

國體之所關邊庭之攸繫何以進取而剿除何以安邊而守固每至廢寢忘餐坐臥不能安席况軍機事宜何等關係臣忝為大臣不能少為

君父分憂少為

國家出力并不能少陳一知半見以仰贊

高深臣實慚愧無地臣實恐懼不遑此臣之隱衷臣之愚悃有不能自己者伏思巴爾庫爾軍營其將士之局面兵馬之情狀與夫塞外之地方形勢臣住

肅兩年密邇軍營時刻留心察訪頗知備細亟欲敬效悃忱而事關機密非奏牘所能詳載茲查目下軍需事件俱有就緒甘涼肅駐防官兵派調赴

營早已料理出口其副將軍劉世明等亦已自肅

聖主馳赴軍營辦理軍務計算時日臣於七月底可以耕對輕騎滅從馳驛進京軒益不負

陛見將口內口外一切事務邊方之扼要官吏兵民之隨時性情凡目之所見耳之所聞心之所知慮之所及雖為摺奏所不能道者均可一一陳奏於

聖主之前仰懇祖請然小民夙夜良興入

硃批諭旨

全

查郎阿

皇上天恩准臣所請於七月底起身馳驛入
覲親聆聖訓臣不勝欣幸臣一一列奏伏乞
訓諭指示俾臣遵循辦理而臣之深知灼見寸衷微悃
望聖恩得以詳悉敷陳以備聖覽臣之誠惶頓首
採擇冀於軍國重務稍有裨益不負

聖主簡任之恩臣心亦可少安臣職或可無忝至於西
路軍需及總督印務有副都御史臣二格孔毓璞
可以暫時署理且往返不過兩月之期設有緊要
之事仍可於途中隨時酌辦亦不致有貽誤如果
審時度勢實不可暫離肅州亦不敢冒昧陳請臣

為軍務關係重大心志激切萬難再為緩待不辭
冒瀆謹繕密摺請

旨伏祈

皇上睿鑒謹

奏

朕意亦欲見汝但七月間大兵移駐穆壘內外軍需俱
關緊要汝未便遠離肅州所欲面陳一切機宜可備細
具摺一一上聞雖不能如口奏詳明朕自鑒悉耳目所
及縱或有干涉大將軍之言亦不妨直書以奏此際暫
且不必來京

硃批諭旨

全三

查郎阿

雍正十年九月十五日署寧遠大將軍臣查郎阿
謹

奏爲奏

聞事竊臣於本年七月二十二日接奉

諭旨臣因統兵任重務期謀出萬全且軍營兵馬情形
須大爲振作另行整理其機宜遠大必得跪聆

訓旨指示周詳方得先操勝算是以一心瞻仰馳驛來

京及行至花馬池地方承准大學士臣鄂爾泰來

咨奉到

欽定吉期甚近又欽奉

諭旨隨欽遵回肅而軍務攸關中心日切惶恐自大學
士臣鄂爾泰敬領

諭旨到肅宣布凡內外事件軍務機宜精詳明備仰見
聖明遠照而大學士臣鄂爾泰與臣晝夜面商熟籌機
務凡所教導於臣者洵皆卓識鴻猷極爲遠大臣
心領神會諸事明白雖自愧臣才之不如實深幸
臣心之相合從此恪遵

聖主睿謨領略元臣碩畫安邊靖寇計日凱旋曷勝歡

奏忭謹繕摺奏

聞伏祈

殊批諭旨

皇上睿鑒謹

奏

所奏欣悅覽之我君臣亦惟有勉盡人力以敬俟
上天慈佑耳卿其勗哉

小諭師會...
聖即敷...
備...
備...
備...

硃批勵宗萬奏摺

雍正六年正月初七日山西學政翰林院編修臣

勵宗萬謹

奏為請定教職調補之法以收實效事竊臣世受
國恩涓埃未報復蒙

皇上天恩命臣督學山右撫躬自問惶懼滋深惟有勉

盡愚誠以期少酬萬一臣於

陛辭之日恭領

皇上諄諄訓誡剴切丁寧以士習民風為首務伏思學
校為教化之本原而士習為民風之表率欲端士

硃批諭旨

勵宗萬

習非徒課其文藝必須嚴別優劣以示勸懲但學
臣一年之中巡歷通省各郡生員之賢否勢不能
一時備悉而教官則一學兩員訪察甚易故教官
職分雖卑關係實重臣細查通省教官冊籍壯年
固不乏人但皆年屆六旬以外者居多此輩非素
餐曠職卽但知需索束修爭取贄禮安望其訪察
州縣官之調繁調簡雖由督撫題請俱係朕臨時權宜優劣有裨士風乎查州縣官員有調繁調簡之例
酌定並非著爲成例也今各學教缺雖非地方繁簡可比然學分有大小
之不同風俗有厚薄之各異其年壯才長者任居
小學及士風醇厚之處而年衰才絀者反任大學

及士習澆薄之處人地似不相宜臣愚請將晉省
各屬教職陸續調取省城會同撫臣公同驗看詳
呈上細分別至教官原有令學臣考試之例驗看之後
若用復行考其文藝除文理荒疎年衰力頽不堪供職
者會同撫臣詳議

題請休致外其年壯才優學問淹通者調以大學要
缺其年力尚壯文理平通者調以中缺其年雖已
皇上邁尚能辦事文亦平通者調以小學之缺如此雖
此在兩酌量爲之如應題奏具疏題來不能人盡賢良官無曠職而量才授職庶稍收人
皇上地相宜之實效矣倘臣言可採伏候旨

殊批諭旨

二

勵宗萬

皇上批示以便會同撫臣料理謹此具摺冒昧陳請抑
或指人盡資其官無謂而謂其
將調補之法著為成例斷然不可
皇上特頒諭旨令該部將教職調補之法詳議著為定

例調補要缺之後其果能實心辦事有裨士風者
酌定年分予以優敘其有調任之後不思報稱有

虧職守者令學臣列疏題參照
如此賞罰以為勸懲亦屬不可
特用人員之例加倍治罪臣愚昧妄奏伏乞

皇上指示施行謹

奏

覽

聞事竊思學政一官固在廉明公正遴拔人材為職分
當盡之事而學臣為一方教化之所關凡地方風
俗人情亦非可委為分外事也臣留心體察晉省

風俗雖云醇樸然太原以南平陽汾州絳州一路
過矣晉省風俗鄙陋則有之何云強悍雖習尚逐
人情強悍健訟欺官唯利是圖罔知禮義種種惡
利率皆儉嗇成家較汝直隸民風優甚諸省中之好省
俗不一而足容臣加意次第察訪外茲有平陽府
屬之曲沃縣一事有關風化不敢不為我

皇上陳之曲沃積習暴悍歷來有抗欠錢糧之風署縣

硃批諭旨

三

勵宗萬

皇上事霍州知州王作朋素知其習有意振厲約束胥役過於嚴刻比較錢糧用刑太重以致胥役含怨勾通地方惡棍於雍正五年十二月初四日聚集百餘人打入署內將作朋衣冠毀壞推倒聚毆旋入臥室又將箱內銀錢衣物搶分扯裂此臣得之風聞者繼見曲沃鄰近官員留心訪問果有其事詎恐其中不無劣衿幫唆亦未可定容臣訪實另聞車行密奏外似此抗糧毆官有干憲法入林黨類合國法臣職司風化不敢委爲分外壅於上聞謹此備悉密奏伏乞

聖主睿鑒謹

奏

凡百惟以據實無隱爲要汝少年卽被擢用一生之見取見棄於朕在能此四字與否也勉之勉之

同日又

奏爲預行奏

聞事竊臣到任以後清查前案有雍正五年五月內代州五臺縣生員田化霖與訓導盧標互毆成訟一案據生員田化霖供訓導盧標因勒索補廩陋規未遂以致挾恨毆打據訓導盧標供因朔望宣講

上諭訓飭士子文田化霖不到不服戒飭以致毆折盧標小指扯裂衣服此事雖經該縣該州兩次審訊而彼此供詞互異尚未定案其田化霖已經署學政撫臣石麟批革衣頂候審在案續於雍正五年十二月二十六日據該州申報田化霖押在五臺縣看守不意於本月初二日五更脫逃臣隨批令該州嚴飭該縣責差幹役勒限嚴緝俟拏獲該生確審定擬會題外似此干法無忌師生互毆等情合先繕摺奏

聞謹

奏曰伏願聖朝
知道子遇此等事亟宜破面整飭不可絲毫瞻顧沾取寬厚假譽以自蹈委靡之習

雍正六年三月初六日山西學政翰林院編修臣

勵宗萬謹

奏爲請定學臣舉黜優劣隨棚造冊達部以杜奉行不力事竊惟舉報優劣乃鼓勵士風之本源學政激揚之大典我

皇上加意振興屢頒
上諭諄詳明切疊經部議通行各省遵奉在案乃近年

上備以來各省學臣舉報優行照議升入太學者竝無一人而間有開報劣行者又不過將緣事已經斥革者數名造冊達部苟且塞責揆厥所由蓋因三年任滿之後方行造報其中不無瞻徇顧忌示恩沽譽之處夫十室之邑必有忠信一郡之中豈無敗類臣請嗣後學臣考校一棚務須遵照定例令各學教官將所屬文武生員優劣事蹟秉公據實開報再令該府州縣於平素所知生員中孰優孰劣亦具密單呈送學臣以憑印證查核於考畢之日分別獎戒發落隨即造冊登明獎戒過各生數

目達部存案俟任滿之日訪察確實果屬名行相符再具疏彙題倘學臣造報不實一經發覺嚴加議處如教官開送不實即將該員題叅嚴處如此立法不惟可杜學臣瞻顧之弊將見未合送入太學之生既知部冊有名益知勉勵而未經斥革之劣生亦咸知部冊可畏均知改悔似於士習民風自事均有裨益臣從鼓勵士子起見不揣愚昧敬陳管見伏乞

皇上指示施行謹

奏

此奏甚是九卿會議具奏

同日又

奏爲請

旨事竊臣查考試定例內開凡童生入籍二十年現有
丁糧祖地者方准考試臣今按試汾州一府據提
調知府白映棠申送所屬石樓縣童生冊卷內有
外郡童生二名稱係代完石邑荒糧給有執照准
其入籍考試者臣卽調查檔案竝行查布政司去
後隨據布政司查覆前來臣細查前案緣石邑自
康熙六十年歲歉之後人民逃散地土荒蕪歷年

舊欠錢糧盈千累萬無可著追前任知縣麥士偉
據闔邑紳衿公議無論本郡外郡童生有能代完
荒地錢糧三十兩者并有能自備牛種開荒一頃
者俱各給予執照准其入籍考試等因通詳撫學
兩衙門當經批行布政司查議續據司府各官確
議可行竝取通邑紳衿情願甘結備詳前任撫學
二臣批允出示通行曉諭在案是此外郡童生雖
非石邑之人委係遵示代完荒糧給有執照非同
冒籍可比現據府縣各官送考印結以及本學廩
生具保五童互保各結臣當卽按冊一體收考訖

但臣思從前地方各官雖爲

國帑起見而未經具奏終與考試定例有違目前歲考已過將來科試轉瞬卽屆理應繕摺具奏應否仍行收考抑或移咨撫臣會題奉

旨俞允之後再行收考伏乞

皇上批示遵奉施行謹

奏

似此於情理可通融者竟行收考爲是據實陳明亦是所奏情節知道了

雍正六年六月初三日山西學政翰林院編修臣

皇上勵宗萬謹

奏爲奏

聞事臣自本年二月下旬由汾州府考畢前往平陽考試竊見一路麥田秀發詢問農民咸稱上年夏麥收成稍歉今歲麥苗暢茂三月間若得大雨卽可十分豐稔臣在平陽考校彌月雖時有雨澤未能霑足迨至四月初間前赴絳州天氣微覺稍亢嗣於初七日大雨間日會下四郊霑足民情歡悅臣於四月二十二日由絳州至解州考棚一路麥稔俱已登場細訪收成分數自臣考試所經之地由

平陽府屬之聞喜縣起北至汾州府所屬止皆有
六七分不等自聞喜縣起西至蒲州止收成皆有
八九分不等麥價每倉石四五錢米價每倉石八
九錢臣今現試蒲州據生童等稱今歲麥收較之
斯語不確去歲麥收十分豐盛今歲所收不及何地方
前歲去歲已屬豐盛目今大田俱已栽種雨水調
和秋成在邇將來米價猶當日賤惟是三四兩月
時氣由豫而晉流行甚廣今已皆痊愈臣蒙
是何言歟既入仕籍即與國計民生有關原不干預一
皇上恩命專司學政原不干預民事但念臣侍直
語大不是矣

內廷日覩我

皇上宵旰精勤刻刻以民生休戚為念謹將臣親歷所

見隨路所聞地方民事情形收成分數米麥時價
據實奏

聞謹

奏

覽

同日又

奏為奏

聞事竊臣三月間正在平陽府考試風聞蒲州所屬之
臨晉縣有村民鬧縣拒捕一事臣恐此案或有不
法生員主持附和當即飛行蒲州密查去後隨據

硃批諭旨

九

勵宗萬

該州申稱鬧縣拒捕一案係臨晉縣西鄉之張村
咎村角丕村三處均屬蠢頑愚民內無讀書之人
竝無文武生員在內嗣於五月中旬臣按考蒲州
經過臨晉縣地方細加博採鬧縣之由緣叅革知
縣劉國琮因臨晉向慣拖欠錢糧遂比較過嚴不
分多寡槩用重刑以致村民入縣鬧署該縣拏獲
爲首二人繼復脫逃該縣復差役往村緝拏差役
被毆而回迨後撫臣檄委蒲州絳州臨晉等三州
縣會同協拏三村鬧縣首犯其角丕村及咎村姦
民雖各聚衆持械尚未拒捕惟張村姦民則竟拒

捕傷人當卽兩州一縣會同詳報平陽鎮臣隨差
遊守帶領兵丁赴縣彈壓隨後撫臣飭行嚴拏卽
據張村之鬧縣首犯師刑投到解省審訊及臣到
蒲州後又聞續獲咎村鬧縣之首犯樊中花解省
其角丕村之鬧縣首犯張臣遁跡潛蹤已拏獲該
犯胞兄胞姪拘禁在縣追比至於師刑供出三村
拒捕各犯內已經拏獲角丕村拒捕二人解赴省
城其餘現在嚴拏尚未到案目今咎村及角丕村
姦俱知畏法惟張村一處尚在執迷未悟通縣居民
聞蕪安堵竝無紛擾合將目前情形繕摺奏

聞謹

奏

此事朕已悉知特差部臣前來查審矣

同日又

奏爲密奏事竊臣考試絳州時訪聞有本州監生在營田例捐納候選佐貳梁開宗者家貲豐贍有數十萬之厚伊本係同祖別房自幼過繼爲嗣有伊族兄監生梁翼宗者窺開宗以嗣子而擁厚貲挾制嚇索分吞祖業者已經屢次去歲又控該州復控臬司經臬司批令該州斷給原告銀三萬兩於

今春已經交銀一萬五千兩但訪得此一萬五千兩之項原告入手僅十之一二其餘銀兩聞有原任山東布政使侯居廣之子候補道員侯琰者在臬司衙門從中說合分肥傳言嘖嘖此事不知按察使蔣炯曾否知情抑或侯琰朦朧中飽均未可知臣因事關行賄徇情既有所聞不敢隱蔽謹據實密

奏伏乞

皇上睿鑒謹

奏

硃批諭旨

十一

勵宗萬

此奏甚屬可嘉凡有所見所聞咸以此據實入告能以不隱爲務方爲不負朕恩將來可成大器也勉之勉之

雍正六年八月十一日山西學政國子監司業臣

勵宗萬謹

奏爲恭謝

天恩事竊臣弱質庸材仰蒙

皇上高厚洪恩畀以山西學政抵任以來自慚才薄時

切恐惶惟以不能稱職爲懼茲復荷蒙

特恩陞臣國子監司業臣拜

命之下感激悚惶罔知所措伏思學政爲風化專司夙

夜已懷戰懼司業爲成均表率聞

命更切屏營

殊恩異數稠疊便蕃臣何人斯膺茲

寵渥惟有益加黽勉仰體

皇上造就人材之盛心矢竭愚誠少副

聖主任用微臣之至意於萬一耳除具本恭謝

天恩外謹此具摺叩

謝謹

奏

覽奏謝知道了汝少年輕率諸事甚不謹密凡所密奏

殊批諭旨

十一

勵宗萬

人皆知之如梁開宗之事通省皆知係汝奏聞似此豈特深負朕恩亦乃速禍之道臣不密則失身君不密則失臣朕於不當宣露之事從不令四目六耳見聞不但汝新進小臣狂妄炫耀足以取禍卽隆科多年羹堯輩皆以不能慎密自致滅亡汝讀聖賢書而昧於明哲之理非薄福小人則爲作孽召禍之徒豈可復望上進於此若不愧恨痛改仍勉強支吾以圖粉飾正所謂欲蓋彌彰轉增罪咎耳汝一生進退升沉之基全在此任況年當少壯後半世功名事業不可限量倘甘心自棄於謹慎保全四字猶不能加勉試思已爲世間何等人耶

將朕斯諭當書諸紳以爲終身誦前於汝陞辭時朕何等諄諄訓諭尚能記憶否誠若下愚不移朕一片望汝之心殊爲可惜也

同日又

奏爲謹陳貢監考職之法杜代倩以收真材事欽惟

我

皇上臨御以來愛惜人材曠古未有於制科取士之外

雖考職貢監亦必加意慎重

欽點大臣及詞臣公閱試卷取定之後又蒙
特行引見如人材可觀不拘常格卽行

拔擢普天之下凡有一長可取一能足錄者靡不歡欣鼓舞思登仕路而上年冬間考取貢監計有千餘

人及至奉

旨引見到部者有九百餘人因此報名候引見者為數甚少朕意謂自必皆係本鄉試之無疑矣孰料竟有昏不畏死

之徒既頂名赴考於前復敢冒名引見於後公然代替京師榜發下第即行回籍每逢考職之期多因長途跋涉欲受職赴任殊屬可惡之極近日嚴諭該部即令伊等同輩中互相舉首據奏舉首者已有數人矣

鄉里其願已足文理既不堪考試而又冀盜虛名遂有一種畧知筆墨之姦徒包攬代倩頂名入試

雖考試之日未嘗不行查察而人數眾多在吏部

只憑有咨送文結何能逐名辨其真偽以致相沿日久代倩愈多竟有姦徒以一人而代考二三名

者上年幸蒙

皇上洞悉情弊

敕令引見頓使姦宄盡露不然則

朝廷職銜又不知冒濫凡幾矣臣愚以為嗣後貢監考

職似應改於三年一次順天鄉試榜發之後舉行

臣監衙門將下第各省貢監照錄科之冊移送吏

部請善不釐貢監以本

殊批諭旨

十四

勵宗萬

旨考試此等下第貢監原有本籍文結又在監月課已
久素知行文斷無代冒替考之弊其直省不進鄉
場之貢監等有情願考試者將赴部考職緣由呈
明該地方官查核明確取具鄰族甘結造具年貌
清冊加具印結照例遞申撫學兩臣會同再加嚴
查果係親身竝無頂冒一咨吏部一咨臣監亦於
鄉試之後考試但此貢監於臨考之時方行到部
仍恐有代倩等弊一時難以查察應定限六箇月
之前到京亦照貢監鄉試之例歷考六次者方准
送部考試臣監衙門於六箇月之內查對年貌每

月與到監鄉試之貢監一體考課如文理清通准
其送部考試如文理荒謬卽行移知吏部著令回
籍以杜代倩之弊倘臣監衙門各官徇庇營私有
素朦混送考者一經控首嚴加議處倘各省撫學兩
臣咨送考職貢監不詳察明確致有於原籍起文
之時卽頂冒來京到監者經臣監衙門察出卽行
題叅將原籍撫學及送考各官均照科場例議處
其作弊之貢監并頂冒之姦徒亦照科場例治罪
聖主如此立法則頂替自除真材可得庶不負我
皇上加意人才廣收博採之盛心矣目今又值考職之

皇上期臣謹陳管見是否可行伏乞
聖主睿鑒指示謹

奏其
所奏甚是現今廷臣正議此事奏覆時再加酌看如有
不詳備處朕自當另降諭旨

同日又

奏為奏

聞事臣於上年十二月內到任檢查卷案有代州五臺
縣生員田化霖毆傷本學訓導盧標手指一事及
田化霖在逃情由於本年正月具摺奏

聞仰蒙

皇上訓誨破面整飭不可瞻徇沽譽臣跪讀之下仰見

勤我

皇上慎重官方整肅風化之至意臣於二月內因未據

該州報獲嚴催一次又於三月六月疊行嚴催該

州縣不但未據報獲亦竝無片紙隻字回覆臣隨

移咨撫臣查取疎縱遲延職名并轉飭嚴拏去後

茲於七月二十日有田化霖之兄田賜霖赴臣具

呈臣卽訊究田化霖遁跡處所據稱州縣各官袒

庇教職因此化霖躲避忻州定襄縣地方臣隨差

押田賜霖限七日之內拏獲田化霖去後如限果至訊問之下極口稱冤雖一面之詞不足憑信但既據供州縣官有袒庇教職等語似不便仍發代州審理臣因改委忻州秉公究審并移會撫臣知照訖容俟審明之日具

題外所有臣拏獲田化霖改委審理緣由理合繕摺

奏

聞謹

奏

但肯秉公處事安往而不得其宜假如該州縣果有袒

庇實據卽當糾叅若平日居官猶屬才能稱職抑或情有可原則宜姑恕

同日又

奏爲清理商民籍貫以除積弊事臣查山西河東專建運學設立教官乃

國家優恤商人之

殊恩必須的係行鹽子弟方准考試其民籍童生不得混行冒考商籍商籍童生亦不得濫考民籍如有冒濫通融送考之鹽道地方官收考之學臣均有處分祇因河東當日修理鹽池禁墻堤堰等工原

係蒲解二州并臨晉榮河萬泉河津安邑夏縣平陸芮城垣曲聞喜十二州縣舊有額設鹽丁其子弟許入運學考試繼因額設鹽丁修築無力遂招募十二州縣民夫應幫修理其子弟亦遂冒名鹽丁入運學考試并此外無因之民籍童生亦紛紛改竄入冊乃商籍童生見民既可冒商商亦無妨於冒民遂致商民互相冒濫前後重名往往有一童而冒兩籍一人而考幾場甚或本籍已經取入將冒考之名賣與他人頂克入試姦弊百出相習成風臣按考解州隨行鹽法道竝提調各州縣徹

底清查去後續據鹽道楊夢琰分行十二州縣查明冒籍情弊前來除商籍子弟不許冒入民籍考試責成各州縣嚴行查禁外其運學歲科兩試童生惟准報部有名商人子弟并從前有錠之商人的派子孫查明祖父三代籍貫准作商籍其別省暫租商錠零星小販一槩不准冒入商籍考試至從前冒籍文武各生之子弟應令各歸本籍考試不得因父兄現屬運學而子弟仍行混冒如有故犯察出連父兄一併除名治罪如此則籍貫可清積弊可除矣臣職司學政清查冒籍分所當然何

敢瑣瀆

天聽但積弊相沿日久若不具

題經部議覆恐後不無仍致廢弛理合繕摺先行具
奏是否可行伏乞

聖主訓誨指示謹

奏

可嘉之至若不題明不但冒濫之弊終不能免且恐爲
後來提學者仍留任意通融之地具疏題奏可也

雍正六年九月初六日山西學政國子監司業臣

勵宗萬謹

奏爲恭謝

天恩事本年八月二十四日臣家人齋捧

硃批奏摺到臣叩首展觀欽奉

皇上恩勲訓誨責臣少年輕率之愆教臣謹慎保全之

道臣跪讀之下惶悚戰懼罔知所措竊思臣以新

進小臣荷蒙

天恩畀以督學重任

陛辭之日又蒙我

皇上諄諄訓誨期望成全并賜

賜奏事摺匣臣承此

殊批諭旨

厚恩夙夜惶懼唯知上畏我

皇上之法不敢稍有顧忌上感我

皇上之恩不忍稍有欺隱凡有所聞據實密奏期無負
此

特恩何敢以密奏之事宣露於人自取罪戾但臣賦性
庸愚事關陳奏訪查再三以致不自檢點或訪問
之間爲人窺測事內之人臆度張揚實未可定是
臣疎忽之罪萬死難追幸蒙

天恩不加譴責

特頒諭誨懃拳肫切臣稽首叩謝之餘自愧自恨無地

自容惟有加意謹密痛改前非矢竭犬馬力圖後
效以仰副我

皇上期望保全之心於萬一耳謹此繕摺叩謝
天恩不勝戰慄惶悚之至謹

奏

能改與否在汝自爲朕何能強之使然餘所奏數摺留
中候與廷臣商酌有旨

同日又
奏爲據實奏

聞事竊臣擬於九月初六日起身自省前往岢嵐大同

殊批諭旨

三

勵宗萬

等處考試正在收拾冊籍整理衣物間不料於初三日夜被盜入署將臣所帶皮棉衣物二箱并恩賜貂褂一件青廉袍一件蟒緞一疋俱行竊去臣天明始知隨加查驗蹤跡實有多人似有暗進明出之狀除移行撫臣嚴飭各屬拏緝外臣不敢隱默謹據實奏

聞謹

奏

汝辜恩不密應招此等失竊之報從茲戒慎修省痛自刻責毫不怨尤庶可免將來意外之虞也

雍正六年十一月初三日山西學政國子監司業
臣勵宗萬謹

奏爲感激

天恩敬陳謝悃事本年九月二十三日臣齋摺家人回晉復蒙

聖主天恩頒諭訓誨警戒提撕臣跪讀之下感悚交至
又接閱臣父手信備述我

皇上訓誡微臣改過之盛心勉勵微臣自新之至意

殷殷期望雖

天地父母之恩無以踰此臣雖至愚極陋同於木石之

硃批諭旨

主

勵宗萬

無知敢不改過自新力圖犬馬之後效臣父子唯
有共加黽勉竭盡愚誠以仰報

聖主高厚洪恩於萬一耳謹此繕摺恭陳謝悃伏乞
皇上睿鑒謹

奏

不患有過貴無憚改能改則無過矣勉之

同日又

奏爲密奏事竊臣於十月十三日按試大同科考知
府例當提調乃新任知府吳槃于臣到府之先二
日兼程赴省臣思考試關係

大典知府有提調之責非緊要事件何至急遽上省
隨留心察訪聞大同府之大有倉係知府經管內
存貯軍需米十餘萬石已歷十有餘年今吳槃到
任之時因此項米石多有蟲蛀霉爛不肯收受交
代而署印知府徐榮疇又因此項倉米當日叅革
知府許惟訥交代之時係寧武府知府郎瀚潞安
府知府王景望平定州知州青阿立等奉委公同
盤查報無虧少竝經御史性桂驗同加封署事以
來未經開視等語俱經回明撫臣藩司撫臣石麟
檄委雁平道湯預誠并調原盤之府州等官公同

查驗至今尚未到府其應作何清理竝作何賠補之法撫臣自有歸結因事關邊儲臣既有所聞不敢不據實密

奏再臣又聞得大同府屬之應州靈邱縣廣昌縣均有從前歷任交下虧空未經清結雖屬風聞未知詳確臣亦不敢隱徇謹繕摺一并密行奏

聞伏乞

聖主睿鑒謹

奏

覽

欠糧生員停考一摺所奏甚屬可嘉摺留中

雍正七年三月二十日山西學政國子監司業臣

勵宗萬謹

奏爲奏

聞事竊臣因科考太原府并平定等州事竣在省料理冊卷前赴潞安於三月初一初二兩日連獲膏雨天恩初十日又獲霖雨至十二日午後始晴四野沾足臣十三日起身赴潞安一路經過太原府所屬之陽曲太原祁縣徐溝遼州所屬之榆社沁州并所屬之武鄉潞安府所屬之襄垣屯留長治等各州

縣一帶地方俱皆同日得雨沾足所種冬麥俱已
發生青茂而春麥亦俱已乘時播種民情愉悅感
頌

天恩理合將得雨日期竝臣一路目覩雨麥情形繕摺
奏

聞謹

奏

覽奏得雨情形深慰朕念又所奏請托一摺留中候降
旨飭令密審殊屬可嘉之至悉能如此秉公不隱汝之
福將來不可限量也勉之

雍正七年七月二十一日山西學政國子監司業

臣勵宗萬謹

奏爲奏

聞事竊臣蒙

皇上天恩畀臣督學三晉臣到任受事之時查前任學
臣沈錫輅在任雖有年餘因患病時多止歲考太
原等府中小之區其平陽一帶大學均未歲考臣
任內又遇

特恩於科考時選取拔貢臣約計時日不能必其限內

恩旨考完當經援例題請展限荷蒙

殊批諭旨

二四

勵宗萬

恩旨敕部議准展限五箇月在案臣自上年正月出棚
歲考以來連場考試不敢苟且從事亦不敢玩曠
偷安今科考通省已經全完而拔貢一項亦俱已
選定現在旋省考錄遺才竝造冊發司料理文闈
事務俟三場完畢臣即將通省拔貢卷冊連人一
竝送部繕疏具題恭候

皇上親加考驗所有臣任內科考造冊報部及彙題舉
黜優劣案件并會同撫臣驗看歲貢等項臣現在
逐一次第辦理完結於武場榜發之後查取中式
武舉親供畢臣離

闕日久戀

主情殷卽擬束裝就道星赴

闕廷仰覲

此行不必從未有差期未竣而請陛見之例況三年不

天顏恭聆

過瞬息便可前來面朕也
聖訓合將微臣限內試竣情由先謹繕摺奏

聞再查山西士子歷來科考者甚少目今涵濡
聖化士子力圖上進奮志入闈者甚多臣較對前次冊
奏案竟多十之三四合併奏

聞謹同日又

奏

硃批諭旨

三

勵宗萬

據奏士子咸奮志上進朕嘉悅覽焉

同日又

奏爲請

旨事竊查河東設立運學乃

國家優恤商人之曠典祇緣數十年來商民混考作
姦舞法誠爲學校之弊藪經臣具摺奏請

聖訓荷蒙

恩旨准臣具題隨經部議欽奉

俞允令臣徹底澄清永除冒濫在案今臣按考平陽卽
檄行各府州縣并行鹽法道嚴加查察毋許商民

混冒臨場又復諄切告誡不意有武舉梅獨奇者
身係坐商膽敢藐視

定例勾引臨晉縣軍籍童生梅齎認爲胞姪冒入運
學考試經臣臨場查出當卽批行提調官解州知
州拘集有名犯證究審去後嗣據該州詳稱審據
各犯口供坐商梅獨奇通同冒濫衆口僉同而梅
獨奇倚恃武舉捏供搪塞且將案內應質之要犯
伊弟梅獨芳膽敢藏匿不令出審甚屬藐抗等因

具詳到臣隨將解州武舉梅獨奇照例咨明兵
部斥革究審外所有收考之安邑縣知縣車敏來

殊批諭旨

三

勵宗萬

鹽法道姚培和均有失察冒籍朦混送考之咎但縣考道考之時惟憑坐商親屬承認該管官員非不加意嚴查總因梅獨奇將梅齎認爲胞姪以致被其混入似非有心疎縱可比且安邑知縣車敏來在晉年久尚屬黽勉稱職之員鹽法道姚培和到任方新正在整理鹽政臣仰體

皇上鼓勵人材之

聖心不敢冒昧遽行糾參合先將緣由繕摺具

奏可否免其參處出自

皇上天恩伏乞

聖主指示遵行謹

奏

此事情有可恕不必糾參

雍正七年九月二十四日山西學政翰林院侍讀

臣勵宗萬謹

奏爲請禁屬員無益之參謁以重職守事竊惟州縣爲親民之官職守綦重而城池倉庫尤關緊要非

皇上

有奉公差遣不得擅離地方

定例昭然遵奉已久若屬員非係公事或因上司陞轉或遇生日年節擅離職守赴省參謁不惟僕僕

道路往返無益抑且地方公事難免遲誤臣近因
在省見臬司臣蔣炯蒙

皇上天恩陞授布政司合省府廳州縣紛紛到省參賀
者甚多竝有地隔千里之州縣亦來謁賀者雖藩
司諭令速回而往返徒勞荒廢政務一省如此他
省可知臣仰請

皇上敕諭督撫藩臬諸臣嚴飭屬官凡遇上司陞轉生
日年節不得仍蹈故習赴省謁賀如有公事奉上
司調遣者限文到日一面起身一面仍將奉何衙
門調遣具文通報事畢回日亦具文通報各州縣

有要緊公事必須赴省赴府商議者一面起身一
面將情由具文通報以備各上司查考敢有借名
公務出境私謁者督撫諸臣察出照例叅處知府
同知通判凡出府境亦照州縣一體通報永著爲
例如此立法庶私謁之風可杜於地方職守不致
曠誤矣是否可行伏乞

聖主訓誨指示謹

此奏可嘉朕另降諭旨飭行

雍正七年十一月二十七日山西學政翰林院侍

讀臣勵宗萬謹
奏為據詳奏

聞事竊臣據保德州詳稱本年十一月初二日辰時卿
雲捧日外繞三環光華四射藻彩繽紛自辰至午
照耀三時萬民咸相慶幸維時鄉耆士庶里老營
兵衆口僉同以為從來未有寶千載一時之景象
昇平萬世之嘉徵又據河曲縣興縣先後詳報目
觀奇祥等因詳報到臣欽惟我

皇上至德格

天深仁育物殊祥上瑞疊見頻呈晉省屢歲豐收民歌樂

利茲保德一郡正在辦造軍需之時忽睹卿雲捧
日足見民心踴躍上格

天和至誠感孚捷於影響臣接閱之下不禁懽忻舞蹈除

會同撫臣查明具疏恭

賀外今據該州縣具詳到臣合先繕摺奏

聞謹

奏

覩此捷如影響感應昭然之理不愈勵忠誠寅畏之心
可乎勉之勉之

奏同日又

奏爲奏

聞得雪日期事竊臣查晉省農民首重春麥欲卜來年豐稔總以冬雪爲憑茲於十一月初三日得雪一次約有二三十分十八日又得雪一次有七八分又於二十一日夜得大雪一次至次日午刻方晴約積二寸有餘一月之中連獲瑞雪實爲來歲豐年之兆士庶歡騰農民慶告臣觀此情形不勝欣快謹聞謹日

聞謹日

奏

晉省今冬較河南山東陝西得雪分數殊覺不足直隸亦然惟京城左近及京東一帶地方甚爲優渥

聖主同日又

奏爲恭謝

天恩事竊臣祖孫父子世受

國恩臣祖先臣杜訥蒙

聖祖仁皇帝知遇隆恩歷官刑部侍郎恭逢我

皇上御極之初

特頒恩命追贈禮部尚書臣父臣廷儀疊蒙

聖恩擢至刑部尚書臣以弱質菲材復蒙

殊批諭旨

年

勵宗萬

聖恩督學山西疊

賜陞擢臣一門三世仰荷

高厚洪慈

恩同覆載涓埃未報正切悚惶今臣父臣廷儀又蒙
特恩加太子少傅臣任滿之時又奉

恩命管理山西巡察事務受

恩深重感悚難名惟有共加勉勵矢竭愚誠以圖少報
聖主天地生成之恩於萬一耳謹此具摺恭

謝伏乞

睿鑒謹

奏

覽爾奏謝知道了益當加勉自勵以期無忝厥職

雍正八年五月初十日翰林院侍讀管理山西巡

察事務臣勵宗萬謹

奏爲奏

聞縱容家人衙役訛稅詐贓復用酷刑立斃民命之縣
令事竊臣奉

命巡察山西至太原縣地方訪得知縣龔新於本年二
月間有陽曲縣民續其先在太原縣買有白布二
半疋例不上稅經過該縣市口有該縣收稅家人

周姓同快手賈榮口稱漏稅卽將續其先鎖至詹文魁店內共嚇詐大錢七百文布二半疋猶未飽慾又復勒要錢四千文續其先無力應允周姓等卽將續其先以漏稅稟縣知縣龔新隨差拏續其先到縣竝不查問布疋多寡果否漏稅卽用大板重責三十板復用大枷枷出以致續其先卽日殞命屍弟續其盛雖在司府等衙門具呈未見深究似此殘酷劣員臣旣訪聞確實不敢隱匿謹據實

奏

聞伏乞

聖主睿鑒謹

奏

言之撫司嚴行查究

雍正八年十一月十六日翰林院侍讀革職仍留山西巡察之任效力贖罪行走臣勵宗萬謹

奏爲恭謝

天恩敬陳愚悃事竊臣輕浮躁率自蹈重愆經撫臣具摺參奏仰蒙

聖恩不卽罷斥留任效力贖罪又經撫臣具疏

題參復荷

殊批諭旨

三

勵宗萬

聖恩令臣明白回奏臣聞

命之下感激惶愧頂戴

鴻慈高深莫喻除遵

旨恭疏明白回奏外嗣後惟有敬凜

訓旨益加謹慎實心效力以贖前愆斷不敢挾私苛索

分外生事致負

聖主教誨矜全之鴻恩耳所有微臣感激愚誠謹繕摺

奏

謝伏乞

皇上睿鑒謹

奏

爾雖具疏回奏尚未蒙朕寬免之旨事未了結何便具

謝恩之奏耶

同日又

奏爲奏

聞河津縣歷年衝塌地畝竝村莊民舍數目亟請疏濬
淤沙以安民生事竊查絳州屬河津縣西南一帶
地方逼臨汾黃二河每當夏秋水長之時所有近
河村莊田畝廬舍多因水刷沙岸恒有侵陷坍塌
之患臣於九月間巡察至河津縣親到該縣西南

界臨河之處遍行查勘并詢問附近居民據稱汾黃二河深爲河津西南一帶之害緣水由地內潛行逐日刷刮每遇一時衝決田畝房屋多致沉陷居民難以預備遷徙臣隨詢問防禦之法又據稱河沙坍塌漲不常疏濬旣無所施土質不堅築堤亦屬無益惟將對面山脚下淤沙疏濬則水性舒緩可免坍塌等語臣到縣城知縣張渡進見臣卽訊問河水情形據該縣歷歷陳說與臣所詢附河村民之語相同臣復詢問歷年坍塌地畝房屋數目隨據該縣分晰年分細數開具印單到臣臣伏思

我

皇上御極以來刻刻以民生爲念惟恐一夫不獲其所今河津一縣西南臨河地方被水侵刷之處旣據居民僉稱對河山下疏濬淤沙卽可安居樂業似宜亟議疏濬保衛民生茲當冬令河水消落之時奏正可相度情形以待春融動工修濬臣旣親歷其地不敢不據實奏

代

聞竝將知縣張渡開送被坍塌地畝村莊數目清冊謹另

繕摺一併恭呈

睿鑒謹

硃批諭旨

奏

山下淤沙應作何疏濬之處言之撫臣可也

雍正九年正月二十一日翰林院侍讀革職仍留

山西巡察之任效力贖罪行走臣勵宗萬謹

奏為請

旨事竊臣自巡歷以來見每汛只設兵丁三名大路計
十里一塘僻路或二三十里不等夫此項兵丁原
為盤緝姦宄操防守禦而設非為遞送公文而設
也其遞送各衙門公文則有額設舖司如有關係
軍務等事則由驛站馬上飛遞此例遵奉已久乃

自雍正六年因一時權宜遂成定例竟將武職衙
門一切公文俱由汛兵遞送臣所到州縣親巡汛
地或有通汛無一兵者細詢其故總為公文絡繹
遞送不及此角未去彼角又來前汛無兵接受只
得越汛齎送跋涉紛繁遂致緊急差務無護送之
人衝途僻路無守禦之伍而舖司於遞送文員公
文之外別無一事臣查舖司之設原為遞送公文
汛兵所司專在防緝姦盜嗣後各宜遵守成例永
遠奉行其有事關緊急軍務者則特令驛站馬上
飛遞至一切平常公文仍歸舖司齎送庶汛兵之

責守得專而要地之事機無誤矣臣謹陳管見仰請

皇上敕下撫鎮諸臣會同查議或容臣恭疏具題伏乞聖主批示謹

奏

著該撫鎮會同查議具奏該部知道

雍正九年三月二十五日翰林院侍讀革職仍留

山西巡察之任效力贖罪行走臣勵宗萬謹

奏為奏

聞事臣仰蒙

恩命巡察山西稽查通省盜竊各案係臣專責臣自受事以來當卽通飭各府州縣平日力行保甲稽查匪類遇有盜竊案件發覺務令卽時通報毋得隱匿更令嚴比捕役躡緝賊犯訪拏窩線清姦宄以靖地方臣仍恐各屬有諱盜之弊頒發條約務令按月出具印結以憑查核晉省頻年來疊蒙

聖主教誨養育之恩雖山僻小民皆知務本力農各安生理且屢登大有家給人足姦匪潛消一年之內其強劫之案止有天鎮縣王氏家被盜一案盜犯五名旋行全獲其鼠竊之案通省一年共二百八

十五件經臣檄行勒限嚴緝於限內已經拏獲審結者一百七十六件臣目擊三晉風俗醇良民安盜息不勝歡忭合將情形繕摺奏

聞謹

奏

晉省盜賊消弭情形朕欣悅覽焉

同日又

奏為敬陳芻蕘管見仰祈

聖訓指示事竊臣仰蒙

恩命巡察山西今已徧歷通省所有關係吏治民風驛

務營伍似應斟酌損益者六條敬抒管見為我

皇上陳之

一吉州所屬之蒲縣應改隸隰州也查雍正二年

經撫臣諾岷題將吉隰二州改為直隸州隰州轄

永和大寧汾西三縣吉州轄鄉寧蒲縣二縣但由

蒲縣至吉州路皆崇山峻嶺虎狼窟穴自來不通

必經隰州之件城鎮等處相隔二百一十里始達

吉州一切遞送文書解審人犯應考童生路途不

順跋涉維艱而由蒲縣至隰州只一百里通衢大

路竝無險阻以臣愚見似應將蒲縣就近歸隰州

與撫臣商酌具題

管轄則於地形公務兩得其宜

一各屬驛站應交各該守道就近稽查也查山西驛道一員專司通省驛站定例一年之內親到各屬驛站稽查一週今於雍正八年准部議將山西驛道加銜冀寧道令其兼管太汾潞澤四府遼沁二州夫以驛道而令兼管地方則刑名錢穀事務殷繁況又有盤查之責欲其通省巡歷勢所不能查晉省河東道一員管平蒲二府絳解吉隰四州鳳平道一員管大朔寧三府平忻代保四州二道本有盤查之責似應卽令於盤查之時就便稽查

驛馬出具印結報部如有疲瘦惟該道是問至於奏銷仍歸冀寧道經管以免參差如此則各道分甫經議定之例何必紛更任就近稽查通省驛務不致廢弛矣

一軍站歸併州縣之馬宜有專司也查雍正六年經侍郎臣馬爾泰條奏晉省各驛站其在州縣者歸州縣管理所有驛丞應行裁汰其距縣寫遠者歸驛丞專管奉部議准通行在案臣查大同府一帶向來多係衛所所有站馬卽係驛站原均屬武職管理於雍正七年經原任提督袁立相條奏所有軍站馬匹俱歸州縣管理亦經通行在案但查

軍站有在州縣城內者責令州縣就近管理甚便
其有相去寫遠者州縣鞭長不及似應照馬爾泰
所奏均歸驛丞專管查大同府之聚落站朔平府
之高山站威遠站并坪站寧武府之水泉站老營
站利民站八角站三岔站代州之廣武站及所屬
之平型站俱距州縣寫遠均應即將奉裁留晉改
補之驛丞分缺經管則軍站皆有專司而州縣亦
歸并州縣未久不宜又議更張
無鞭長不及之慮矣

一冗驛宜裁以省錢糧也查驛站所以應付差使
倘有虛設自當裁汰臣巡歷所至查有汾州府永

寧州之玉亭吳城青龍三驛向因路通陝西吳堡
縣地方文書往來設有驛站近因文書俱由保德
州一路傳送三驛竟成虛設再查寧武縣之寧化
站僻處邊陲不通大路終年竝無一差似應與永
備將情由聲明具疏題請可也
寧州所屬三驛一并裁汰

一廣靈一縣地處通衢防兵宜行添設也查各州
縣分設防兵原為捍衛城池倉庫稽查匪類而設
臣巡歷各屬見省城以南如平陽等內地州縣各
處有防兵五六十名及一二十名不等惟大同府之
廣靈縣路當衝要只有防兵五名實不足用似應

仰請 聖訓 欽此

皇上敕下鎮臣於該管營內酌量派撥防兵二三十名
言之該鎮以資守禦

一邊民出口耕種應禁其攜帶家口以杜逃糧之
弊也查出口舊有禁例近因我

皇上德威遠播中外一家所以歸化城一帶地土豐沃
大同等府居民出口耕種者甚多但臣訪聞邇年
出口之民不止隻身前去竟將全家搬移出口散
居土默特各村落者不下數千家臣細查此等皆
內地無藉之徒拋荒田產拖欠丁糧不安本分挈

家遠去久而忘返大同一帶積欠不清皆由於此
若不禁約勢無底止以臣愚見似應嚴飭沿邊地
方加意盤詰并飭歸化城同知嚴查口外各村落
凡有大同一帶人民挈家居住者確查造冊定以
期限勒令將家口送還內地若隻身種地之民仍
令春出冬歸各回本土納賦完糧庶內地無脫漏
大與民情未便殊不可行戶口之姦民而積欠有清完之日矣
以上六條臣因地方情形起見謹將大畧繕摺具
奏如有可採伏乞

聖主批示臣再詳細繕本恭疏具

聖題謹

奏


覽

一勵宗萬初抵太原府令陽曲縣多備執事人
令役伺候日需五六十人皆該縣墊給食物又令
買好騾三頭每頭僅發潮銀十二兩在省五十
月餘日知縣賠累三四十金又有平定州知州安
克寬向臣告言兩次借銀二百兩出巡時所騎
驛馬至二十餘匹之多州縣多雇騾馬備用又
轎夫擯夫十四名沿途需索雇值自五六兩至

七八兩不等經過州縣約費二三十金又體統
尊大知府跪迎行部輒行威刑官役擾累

朕覺汝有少年驕縱躁妄之失所以屢屢面加訓諭今
據人叅論若此則朕之觀汝殊屬不謬也從此若不返
躬內省痛自悔艾乃復妄為猜嫌揣度某某所奏則為
怙過辜恩福淺命薄人矣朕一番期望成全汝之特恩
寧不可惜慎為之審思之

宋世論
 卷
 第



印

